



ԽՈՍՔ ԾՆՈՐՀԱՎՈՐԱՆԻ



Վեհափառ Տեր, որդիական խոնարհությամբ ի սրտե շնորհավորում ենք Ձերդ Սրբությանը ծննդյան օրվա կապակցությամբ: Թող ամենակարող Աստված Իր Աջի զորությամբ անասան պահի եւ պահպանի Հայաստանյայց առաքելափառաւ Եկեղեցին, ապավեն լինի Ձեզ՝ Հայոց Հորը՝ Հայրունակելու քահանայապետության լուսածիր ընթացքը:

Ցանկանում ենք, որ վերջին տարիներին մեր բազմաչարչար ազգին պատուհասած արհալիրքները, անդառնալի եւ անմոռանալի կորուստները, պղտորաջուր եւ կործանարար աղետությունները չխորտակեն Ձեր լավատեսության լուսեղեն խարիսխը, չխեղեն ապագայի Ձեր տիրական տեսիլքը:

Դուք ճանաչել եք ճշմարիտ Լույսը, ընթացել Տիրոջ շավիղներով, եւ Ձեր կեսդարյա հոգեւոր սպասավորությունը դրա վկայությունն է: Բնաստուն չեն դառնում, իմաստությանն արժանանում են. իմաստություն, որի սկիզբը Տիրոջ երկրորդն է (Առակ. Ա 7): Լիափայլ ենք, որ Ձեր իմաստությամբ դեռ երկար տարիներ հովվապետելու եք Հայաստանյայց Եկեղեցին՝ գործելով ի սեր եւ ի նպաստ մեր պատմական հայրենիքի՝ Հայաստանի եւ Արցախի, մեր ծվատված եւ աշխարհասփյուռ ազգի, այսուհետ եւս մեծահոգաբար ներելու եք Ձեր մոլորյալ զավակներին, որոնք արհամարհում են իմաստությունն ու խրատը (Առակ. Ա 7): Մեծերն են միայն ներում:

Աղոթում ենք երկնային Հորը, որ Ձերդ Սրբությանը քաջատոգչություն եւ կենաց արեւատություն պարգևի, վատահ ենք՝ Աստծու զորակցությամբ Ձեր հայրապետության հաջորդ տարիները եւս նշանավորվելու են եկեղեցաշինությամբ ու հայրենամկեր նորանոր ձեռնարկներով:

«Քրիստոնյա Հայաստան»
երկշաբաթաթերթի խմբագրություն

Կյանք՝ ընծայված ազգին ու հայրենիքին

Կյանքի վերապրումը՝ որպես ինքնաբերական, ի վերուստ ոչ բոլորին է տրված: Գոյությունն ու արարումը կյանքի մի կարճ հատվածում պահանջում են կապ եւ հարաբերություններ ամբողջի հետ: Նա, ով ընտրում է իր կյանքի ուղին, այդ ուղու մեջ է գտնում կյանքի իմաստն ու բանալին՝ որպես երկնքի հետ երկխոսություն:

Կյանքը երկրի վրա մեզ տրված է այն ընթացքով տարբեր սկզբունքներով:

Անհատի կարեւոր հատկանիշներից է նրա սկզբունքայնությունը, որն անբաժանելիորեն ընկած է կյանքի բազմաթիվ օրինաչափությունների հիմքում:

Մեկին տրված են կյանքի սրբազան կարողություններ, որոնք նրան տանում են վերաբարձման, արդյունքում ստեղծում վերջինիս պատկերն անսահմանության եւ հավերժի մեջ՝ որպես ժամանակի միախուսում: Մարդասիրությունը, պարտքի զգացումը, պատասխանատվությունն իր ընտրած ուղու առջեւ, աստվածային խորհրդատվությունը, իմաստությունն ու վստահությունը ոչ բոլորին են տրված: Ասված է. «Ամեն մեկին՝ իր չափով»:

Հայ հոգեւոր առաջնորդներից շատերին էին շնորհված աստվածատուր առաքիճությունները, աստվածային խորհրդատվությունը, իմաստությունն ու վստահությունը, ընտրված յուրահատուկ ճանապարհը դեպի անմահություն: Խորհելը, մտախոհվելը, զգոնությունը, ողջախոհությունը, իր ազգին ու հայրենիքին անսահման եւ անշահախնդիր մվիրումը Ամենայն Հայոց Կաթողիկոս Գարեգին Բ-ի հիմնական հատկանիշներն են: Անցած քսանչորս տարում նա շատ բան նախաձեռնեց, իրագործեց, փոփոխեց, վերածնեց. գուցե երբեք չմտածեց, թե ապագան ինչ անում կտա իր ճշմարիտ միջոցներով կյանքի կոչված աշխարհաշեն ծրագրերին:

Ապագայի անաչառ դատաստանի, երախտապարտության սկզբունքով՝ նախնիների փառավոր անունների եւ նրանց կատարած գործերի առջեւ երբեք չասաց՝ «Հաղթեցի թեզ, Սողոմոն»:

Նախնիների կառուցած շինությունների, եկեղեցիների, վանական համալիրների նորոգումներն ու վերականգնումները, փոփոխությունները՝ իր կողմից այժմ իրագործված,

դիտարկեց որպես ամբողջականության պահպանման միջոցներ, որպես վերածնության մոր խորհրդանիշներ նախնիների փառքի առջեւ:

Ամենայն Հայոց Կաթողիկոս Գարեգին Բ-ի ջերմեռանդությունն ու հայրական հոգածությունն իր հոգեւոր հոտի համդեպ, նրա՝ ազգային ինքնության եւ պետականության պահպանմանն ուղղված գործունեությունն ու ջանքերը կազմում են մեկ ներդաշնակ ամբողջություն: Ժամանակի ծանր բեռը վերցնելով՝ Վեհափառ Հայրապետը շարունակում է իր տիրական եւ ազգամկեր առաքելությունը, մվիրյալ հայորդիներին խրախուսում, մղում հոգեւոր-մշակութային արժեքները պահպանելուն եւ վերականգնելուն, ճարտարապետական անհրաժեշտ շինություններ ու կոթողներ կառուցելուն: Նրան հասու է ճանաչել ժամանակի եւ տարածության միասնությունը, որը մեկ պարզ բառով կոչում ենք «հավերժություն»:

Մերի ԴԱՆԻԵԼՅԱՆ
Ճարտարապետ

Գերագույն հոգեւոր խորհրդի ժողովը Մայր Աթոռ Սուրբ Էջմիածնում

Օգոստոսի 28-ին Մայր Աթոռ Սուրբ Էջմիածնում, նախագահությամբ Ն.Ս.Օ.Տ.Տ. Գարեգին Երկրորդ Ծայրագույն Պատրիարք եւ Ամենայն Հայոց Կաթողիկոսի, սկսվեց Գերագույն հոգեւոր խորհրդի ժողովն ընդլայնված կազմով:

Ժողովը բացվեց Տերունական աղոթքով, ապա Գերագույն հոգեւոր խորհրդի անդամներին ողջունեց Ամենայն Հայոց Կաթողիկոսը՝ իր օրհնությունն ու բարեմաղթանքներ բերելով:

Ժողովի ընթացքում կքննարկվեն Հայաստանում եւ Արցախում ստեղծված կացության, սրբալույս մյուռոնի օրհնության, եպիսկոպոսական ձեռնադրության եւ Մայր

տաճարի վերանորոգման ընթացքին առնչվող հարցեր:

Քննարկման առարկա կդառնան նաեւ եկեղեցա-վարչական եւ եկեղեցու առաքելության արդյունավորմանը վերաբերող այլ հարցեր:

Հընթաց ժողովի՝ Գերագույն հոգեւոր խորհուրդը, տեղեկանալով Բերձորի միջանցքում հայ երիտասարդների առեւանգման մասին, խստորեն դատապարտեց աղբրեջանական իշխանությունների կազմակերպած հերթական բռնությունն ու սադրիչ գործողությունը, ինչը շարունակվող թշնամական դրսեւորումն է Աղբրեջանի հակահայկական քաղաքականության:



Ձիթայուղի օրհնության կարգ՝ սրբալույս մյուռոնի օրհնությանն ընդառաջ



Օգոստոսի 23-ին Մայր Աթոռ Սուրբ Էջմիածնի Սուրբ Վարդան եւ Սուրբ Զովհաննէս Սկրտիչ մատուռ-մկրտարանում Ն. Ս. Օ. Տ. Տ. Գարեգին Երկրորդ Ճայրագույն Պատրիարք եւ Ամենայն Հայոց Կաթողիկոսի հանդիսապետությամբ տեղի ունեցավ Ձիթայուղի օրհնության կարգ: Երեկոյան ժամերգությունից հետո ձիթայուղով լի արծաթե կաթսան դրվեց մատուռ-մկրտարանի խորանին՝ փակվելով շղարշե ծածկոցով: Այսուհետեւ ամեն օր՝ մինչեւ Մյուռոնօրհնեքը, երեկոյան ժամերգությունից հետո կկատարվի հոգեւոր պաշտոն՝ շարականներով, աղոթքներով եւ սուրբգրային ընթերցվածքներով:

Անհրաժեշտ նյութերը ձեռք բերելուց հետո՝ Մյուռոնօրհնությունից քառասուն օր առաջ, սկսվում է պատրաստության շրջանը՝ Ձիթայուղի օրհնության արարողությամբ:

Սրբալույս մյուռոնի օրհնությունն այս տարի տեղի կունենա հոկտեմբերի 1-ին Մայր Աթոռ Սուրբ Էջմիածնում. Ամենայն



Հայոց Կաթողիկոսը Հայ Եկեղեցու նվիրական սրբություններով կօրհնի սուրբ մյուռոնը, որն այսուհետեւ կբաշխվի Հայ Եկեղեցու բոլոր թեմերին:

Հանդիսում նորած ֆահանսների հեռ

Օգոստոսի 28-ին Ն. Ս. Օ. Տ. Տ. Գարեգին Երկրորդ Ճայրագույն Պատրիարք եւ Ամենայն Հայոց Կաթողիկոսն ընդունեց սույն թվականի հուլիսի 16-ին քահանայական կոչմանն արժանացած եւ Մայր Աթոռում քառասնօրյա պատրաստության շրջանն ավարտած նորած քահանաներին՝ առաջնորդությամբ Մայր Աթոռ Սուրբ Էջմիածնի լուսարարապետ Ս. Մուշեղ եպս. Բաբայանի եւ «Գարեգին Ա» կրթական կենտրոնի տնօրեն Ս. Վահան եպս. Զովհաննիսյանի:

Վահան սրբազանը, Վեհափառ Հայրապետին ներկայացնելով իր իսկ ձեռամբ քահանայական օծման արժանացած նորընծաներին՝ Ս. Պետրոս քին. Կաղեյանին, Ս. Մովսես քին. Սահակյանին եւ Ս. Հակոբոս քին. Իսահակյանին, ուրախությամբ ընդգծեց, որ վերջիններս պատրաստ են իրենց նվիրյալ ծառայությունը բերելու Հայոց Եկեղեցու անդամատանում:

Այնուհետեւ Ամենայն Հայոց Կաթողիկոսն իր օրհնությունը բերեց քահանա հայրերին՝ հովվական ծառայության կոչվելու առիթով՝ նրանց փոխանցելով իր հայրական պատգամը:

Նորին Սրբությունն ընդգծեց, որ նորած



քահանաներն իրենց հոգեւոր սպասավորությունն սկսում են հայ ժողովրդի համար բարդ ժամանակաշրջանում, երբ առավել կարեւորվում է հայ եկեղեցականի ամբողջական ու նվիրյալ ծառայությունը՝ հավատ, հույս ներշնչելու հայորդիներին այս դժվարին փորձությունների միջով անցնելու, զորացնելու նրանց սերն առ Աստված:

Վեհափառ Հայրապետը հոգեւորականներին պատգամեց բարի օրինակ լինել հավա-

տացյալների համար, նվիրյալ եւ հանձնառու սպասավորությամբ ուրախություն ու մխիթարություն պարգևել հավատավոր ժողովրդին, սեփական կարողությունները լավագույնս ի սպաս դնել հոգեւոր ծառայության մեջ՝ բարձր պահելու Հայ Առաքելական Սուրբ Եկեղեցու բարի համբավը:

Հանդիպման վերջում Ամենայն Հայոց Կաթողիկոսը «Պահպանիչ» աղոթքով օրհնեց քահանա հայրերին՝ նրանց ընծայելով



«Մաշտոց» ծիսարաններ, ձեռաց խաչեր եւ Սուրբ Հաղորդության մասնատուփեր:

Առաջիկա օրերին քահանա հայրերը Նորին Սրբության օրհնությամբ ծառայության կկոչվեն Հայոց Եկեղեցու տարբեր կառույցներում եւ թեմերում:

**Լրատվական նյութերը՝
Մայր Աթոռ Սուրբ Էջմիածնի
տեղեկատվական համակարգի**

Վանա լճի հարավային ափին տեղակայված Նարեկ գյուղում էր գտնվում «Նարեկյա վանքը», որը հիմնադրել են Ժ դարում Բյուզանդիայում հալածված, Հայաստան վերադարձած եւ Մեծ Հայքի Վասպուրական նահանգի Ռշտունյաց գավառում ապաստանած հայազգի վանականները: Համաձայն Ստեփանոս Տարոնեցու վկայության՝ Նարեկավանքն ունեցել է իր վանական հստակ կանոնադրությունը, ինչպիսին որ ունեին նաեւ Հռոմոսի եւ Կամբոջաձոր վանքերը: Սա խոսում է այն մասին, որ վանքում հաստատվել էր որոշակի կարգուկանոն, որին պարտավորվում էին ենթարկվել կրոնական կյանքովաբարով ապրել փորձող վանականները՝ պատշաճորեն մասնակցելով ծիսապաշտամունքային արարողություններին, համայնական կյանքով կենցաղավարելով, նաեւ իրենց առանձնական-հոգեւոր ապրումների մեջ խորասուզվելով:

Նարեկավանքի գլխավոր տաճարը սրբուհի Սանդուխտի անունը կրող եկեղեցին է: Այդ անունը կապվում է ավանդության հետ, ըստ որի՝ տաճարի հարավային խորանում է ամփոփված սրբուհի Սանդուխտ կույսի գերեզմանը: Ս. Սանդուխտ եկեղեցին ունի երեք խորան, արեւելյան կողմում՝ զույգ ավանդատներ, արեւմտյանում՝ կամարակապ խորշեր: Այս տաճարն արտաքուստ ուղղանկյունաձեւ կառույց է՝ կազմված ութանիստ թմբուկից եւ բրգաձեւ վեղար ունեցող գմբեթից: Արեւելյան կողմից Ս. Սանդուխտ

Նարեկավանք



եկեղեցուն կից է Ս. Գրիգոր Նարեկացու գմբեթավոր մատուռ-դամբարանը, իսկ հարավային կողմում է գտնվում զույգ որմնամույթով ու պայտածեւ Ավագ խորանով, գմբեթավոր դահլիճի հորինվածքով վեր խոյացող Ս. Աստվածածին եկեղեցին:

Նարեկավանքի համալիրը ծաղկում է ապրել մասնավորապես Անանիա Նարեկացու, իսկ հետագայում արդեն՝ Խոսրով Ամենացու եւ վերջինիս որդու՝ Սուրբ Գրիգոր Նարեկացու վանահայրության ժամա-

նակահատվածում: Միայն հարյուրամյակներ անց՝ 1707 թվականին, Մինաս վրդ. Ղափանցին հիմնովին վերանորոգում է Նարեկավանքը: 1787 թ. արդեն վանահայր Բարսեղ վարդապետը եկեղեցիներին կից՝ արեւմտյան կողմում, կառուցում է մի ուղղանկյուն, քառամույթ, ընդարձակ գավիթ, որտեղ էլ թաղված են Ս. Գրիգոր Նարեկացու եղբայր Զովհաննէս վարդապետը եւ Անանիա Նարեկացին: 1812 թ. գավթի արեւմտյան մուտքի առջեւ կառուցվում է

եռահարկ զանգակատուն, իսկ 1843-ին Նարեկավանքի գմբեթները նորոգվում են ճարտարապետ Սահրատ Մեմարբաշիի եւ նրա որդի Մովսեսի ձեռամբ:

1858 թ. Նարեկավանքը բարեկարգվում է Զովհաննէս վարդապետի կողմից, իսկ ահա 1867-ին վանահայր Զովսեփ Րաբունին Ս. Գրիգոր Նարեկացու մատուռ-դամբարանի վրա կանգնեցնում է մի մարմարե խաչքար, որը կրում է Սուրբ Աստվածածնի պատկերը՝ մանուկ Հիսուսը զրկին, իսկ նրանց առջեւ ծնրադիր կեցվածքով քանդակված է Ս. Գրիգոր Նարեկացին: 1884 թ. Արիստակես վարդապետը Նարեկավանքում վարժարան է բացում՝ կարծես թե հիմք դնելով վանական համալիրի ծաղկման մի նոր շրջանի, սակայն ընդամենը շուրջ մեկ տասնամյակ անց՝ 1896 թ., վանքի վրա են հարձակվում քրդերը, որոնք սպանում են վանահայր Եղիշեն ու եւս 12 միաբանների: 1901 թ., սակայն, ի հեճուկս ժամանակի ազգային-կրոնական դժվարիադարձարեւի մարտահրավերների եւ ի մխիթարություն սեփական ծնողների քաղցրությունը վայելելու բերկրանքից զրկված տասնյակ մանուկների՝ Նարեկավանքում, Ջանշյան ընտանիքի բարերարությամբ, սկսում է գործել մի որբանոց-վարժարան՝ հավատարիմ սույն վանական համալիրի՝ վաղուց ի վեր դավանած ուսումնակրթական վսեմ առաքելությունն իրագործելու բարի նպատակամիտվածությամբ: ➔ էջ 4

Աշխարհի հնագույն հայկական գործող կրթական հաստատությունը

Հարցազրույց Կալկաթայի Հայոց մարդասիրական ճեմարանի կառավարիչ Տ. Տանաստ վրդ. Ծառուբյանի հետ

— Աստված օգնական, Հայր սուրբ: Գրեթե երկու տարի է, ինչ Վեհափառ Հայրապետի տնօրինությամբ նշանակվել էք Հնդկահայոց հոգեւոր հովիվ եւ աշխարհի հնագույն հայկական գործող կրթական հաստատության՝ Կալկաթայի Հայոց մարդասիրական ճեմարանի կառավարիչ: Խնդրում եմ համառոտ ներկայացնել կրթական այդ հաստատության հիմնադրման պատմությունը:

— Աստված պահապան: Այո, 2021 թ. հոկտեմբերի 1-ին Վեհափառ Հայրապետի տնօրինությամբ եւ օրհնությամբ ստանձնեցի Հնդկահայոց հոգեւոր հովիվ եւ Կալկաթայի Հայոց մարդասիրական ճեմարանի կառավարիչ պարտավորեցնող ու պատասխանատու ծառայությունը: Ի գիտություն եւ առ ի տեղեկություն շատերի՝ պետք է բարձրաձայնեմ, որ ինչպես Դուք ճիշտ եւ տեղին նկատեցիք, Կալկաթայի 202-ամյա Հայոց մարդասիրական ճեմարանն աշխարհում գործող հայկական կրթօջախներից հնագույնն է՝ հիմնադրված 1821 թ. ապրիլի 2-ին:

Կալկաթայում ազգային դպրոց մտահղանալու պատիվը պատկանում է Աստվածատուր Մուրադխանյան անունով մի հայրենապաշտ, կրթասեր հայի: Վերջինս իր մահից առաջ, 1797 թ. հուլիսի 30-ի թվակիր կտակով, ի նպաստ Կալկաթայում հայկական ազգային դպրոցի կառուցման, 8000 հնդկական ռուբլի է նվիրաբերում: Սակայն իր կտակից երկու տարի անց՝ 1799 թ. սեպտեմբերի 29-ին, բարերար Մուրադխանյանը, դժբախտաբար, վախճանվում է, եւ Կալկաթայում հայկական կրթօջախ հիմնելու գաղափարը կարծես թե անորոշության եւ մոռացության է մատնվում:

Մուրադխանյանի մահից 20 տարի անց՝ 1819 թ., մեկ այլ ազգասեր հայորդի՝ Մնացական Վարդանյան անունով, հիմք ընդունելով Աստվածատուր Մուրադխանյանի ավանդած կտակը, Կալկաթայի հայ երեւելիներից բաղկացած դպրոցաշինական հանձնախումբ է ստեղծում: Ի նպաստ ազգային ճեմարանի հիմնադրման՝ հանձնախումբն ամփոփապես ձեռնամուկ է լինում հանգանակության: Ճեմարանի հիմնադրման համար անհրաժեշտ նյութական միջոցներն ապահովելուց հետո՝ 1821 թ. ապրիլի 2-ին, Կալկաթայի Հիմ Զայնաբազար փողոցի թիվ 353 հասցեում, որը բավականին մոտ էր 1708 թ. կառուցված Սուրբ Նազարեթ հայոց եկեղեցուն եւ 1734 թ. հայազգի վաճառական Մանվել Հազար Մալյանի բացած հայկական լաստանավահանգստին (Armenian Ghat), Մնացական Վարդանյանի եւ յուր հայրենակիցների նախանձախնդիր ջանքերի շնորհիվ ծնունդ է առնում Կալկաթայի հայկական մարդասիրական ճեմարանը:

Այսպիսով՝ Կալկաթայի Հայոց մարդասիրական ճեմարանն ունենում է երկու հիմնադիր. մեկը՝ Աստվածատուր Մուրադխանյանը՝ հեռավոր Հնդկաստանում հայկական անդրանիկ կրթօջախ հիմնելու իր նախաձեռնությամբ եւ ի նպաստ դրա ժառանգած առաջին նվիրատվությամբ, իսկ մյուսը՝ Մնացական Վարդանյանը՝ Մուրադխանյանի տեսիլքը համառ եւ ամփոփ ջանքերի շնորհիվ կյանքի կոչելու եւ իրագործելու ազնիվ առաքելությամբ:

Հիմնադրվելուց 62 տարի անց՝ 1883 թ., ճեմարանը Հիմ Զայնաբազար փողոցից տեղափոխվում է Կալկաթայի ամենահայտնի եւ բարվոք թաղամասերից մեկի՝ Ֆրի Սքուլ (այսօր՝ Միրզա Դալիթ) փողոցի նորակառույց շենքը, որտեղ էլ առ այսօր գտնվում եւ գործում է Հայոց մարդասիրական ճեմարանը:

«Առաջին ուսուցիչ մարդասիրական ճեմարանի ի հիմնադրութենէ», ինչպես ինքն է իրեն բնութագրում, եղել է Հովհաննես Հարություն Իսահակ Աղանուրյանը, որը



1824 թ. ճեմարանի աշակերտների համար պատրաստել եւ հրատարակել է «Այբբենարան» կամ «Աղանուրեան կարգ ուսման» դասագիրքը:

Ճեմարանում դասավանդել են ժամանակի հայտնի ուսուցիչներ եւ կրթության անխոնջ նվիրյալներ, որպիսիք էին Մարտիրոս Մկրտչյան-Դավթյանցը, Հարություն Գալուցյանը:



Անվանի ուսուցիչների եւ տեսուչների հետ հարկ եւ տեղին է հիշել նրանց արժանի հետեւորդ սաներին՝ նշանավոր հայագետ Մկրտիչ Եմինին, որի մարմինն ամփոփված է Կալկաթայի Սուրբ Նազարեթ հայոց եկեղեցու բակում, մեծ վաճառական եւ բանասեր Թադեոս Ավետույանին, պատմաբան Հարություն Օվանյանին, գրաբարագետ եւ թարգմանիչ Խաչիկ Թոմասյանին, հմուտ հայագետ եւ «հոգատար կալկաթահայություն» Թոմաս Մելքունյանին, Սուրբ Նազարեթ հայոց եկեղեցու կանոնադրության հեղինակ, գրաբարագետ Հարություն Աբգարյանին, կալկաթահայության ամենահայտնի եւ կարկառուն դեմքերից ու մեծահոգի բարեգործներից Հովհաննես Գալստյան ասպետին, հայազգի բարերար Պետրոս Կրետին, որը 1931 թ. ճեմարանն օժտում է գեղեցիկ ու հարմարավետ լողավազանով (առ այսօր գործող), բոլորին քաջածանոթ, ազնիվ, նախանձախնդիր ու կրթասեր հայորդուն՝ Դավիթ Դավթյանին, որի նյութական միջոցներով 1922 թ. Կալկաթայում բացվում է Դավթյան օրիորդաց դպրոցը (այժմ՝ Դավթյան օրիորդաց վարժարան) եւ որպես քույր դպրոց՝ գտնվում է Կալկաթայի Հայոց մարդասիրական ճեմարանի տեսչության հսկողության եւ խնամակալության ներքո, գրաբարագետ ու պատմաբան Մեսրոպ Սեթյանին, Երու-

սաղեմի հայոց պատրիարք Տ. Կյուրեղ արք. Իսրայելյանին եւ այլոց:

— **Շնորհակալություն հետաքրքիր եւ բովանդակալից ներկայացման համար. խնդրում եմ անդրադառնալ ճեմարանի ներկա վիճակին:**

— Կալկաթայի Հայոց մարդասիրական ճեմարանի հարուստ պատմության մոր փուլի սկիզբը դրվում է 1999 թ., երբ այն հանձնվում է Մայր Աթոռ Սուրբ Էջմիածնի տնօրինմանը. Ամենայն Հայոց Կաթողիկոսին է վերապահվում ճեմարանի գործունեությունն ամբողջությամբ տնօրինելու իրավունքը: Ճեմարանի կառավարչին եւ օգնական հոգեւորականներին նշանակում է Ամենայն Հայոց Հայրապետը:

Ներկայում Կալկաթայի Հայոց մարդասիրական ճեմարանը գործում է որպես երկսեռ, անգլիական թեմարանի հայկական դպրոց: Դասավանդվող առարկաների թիվը շուրջ երկու տասնյակ է: Ուսուցման լեզուն հիմնականում անգլերենն է: Հայերենով դասավանդվում են «Հայոց լեզու եւ գրականություն», «Հայրենագիտություն», «Հայոց պատմություն», «Հայ եկեղեցու պատմություն» եւ «Երաժշտություն» առարկաները:

Անձամբ մեզ համար մեծ պատիվ է լինել կառավարիչը հայկական հնագույն կրթական հաստատության, որի արմատներն Աստու կամքով եւ հայ ազգի սերունդի տեսիլքի, նախանձախնդրության եւ տքնաջան աշխատանքի շնորհիվ շատ խոր ու հաստատուն են՝ մշտապես ամուր եւ անսասան պահելու նրա կրթական բարձր մակարդակն ու բարի ավանդույթները:

— **Իսկ կրթական ինչ ծրագրով է այժմ առաջնորդվում Կալկաթայի Հայոց մարդասիրական ճեմարանը:**

— Հնդկաստանում պաշտոնապես գրանցված եւ պետականորեն ճանաչված հայկական դպրոցը Դելիի՝ հնդկական տասնամյա դպրոցական կրթության որակավորման խորհրդի անդամ է եւ աշակերտներին լավագույնս է պատրաստում 10-րդ դասարանի ավարտական քննություններին: Ճեմարանի կրթական ծրագիրն ու չափորոշիչները համապատասխանեցված են Դելիի կրթական համակարգին:

Ճեմարանի 10-րդ դասարանը «լավ» կամ «գերազանց» գնահատականներով ավարտելուց հետո հայ տղաներն ու աղջիկներն ուսումը 2 տարի շարունակում եւ ավարտում են Կալկաթայի Լա Մարտինիեր անվան ավագ դպրոցում: Երկու տարի՝ մինչեւ 12-րդ դասարանի ավարտը, վերոհիշյալ դպրոցում հայ աշակերտների ուսման, ճեմարանում կեցության, սննդի, հագուստի եւ բժշկության ծախսերն ամբողջապես հոգում է Կալկաթայի Հայոց մարդասիրական ճեմարանը:

— **Ովքեր կարող են ընդունվել Հայոց մարդասիրական ճեմարան:**

— Կալկաթայի Հայոց մարդասիրական

ճեմարան կարող են դիմել 7–10-ը տարեկան հայ տղաներ եւ աղջիկներ՝ աշխարհի բոլոր երկրներից: Հայոց մարդասիրական ճեմարանում ուսումն անվճար է: Դպրոցը նաեւ հոգում է Հայաստանից եւ այլ երկրներից ճեմարան ընդունված՝ ազգությամբ հայ աշակերտների՝ Հնդկաստանում ուղեւորության, կեցության, սննդի, հագուստի եւ բժշկության ծախսերը: Ծնողներն իրենց զավակների՝ Հայոց մարդասիրական ճեմարան ընդունելության համար պահանջվող փաստաթղթերն անձամբ ներկայացնում են Մայր Աթոռ Սուրբ Էջմիածնի քրիստոնեական դաստիարակության կենտրոն: Կալկաթայի Հայոց մարդասիրական ճեմարան ընդունվելու համար դիմորդները գրավոր թեստ են հանձնում «Հայոց լեզու եւ գրականություն», «Հայրենագիտություն», «Մաթեմատիկա» եւ «Անգլերեն» առարկաներից, որից հետո տեղի է ունենում հարցազրույց ճեմարանի հոգեբանի հետ: Ընդունելության հետ կապված հավելյալ տեղեկությունների համար մեզ հաճախ են դիմում contact@armeniancollege.edu.in էլեկտրոնային հասցեով:

— **Տասներկուամյա կրթություն ստանալուց հետո հայ աշակերտներն իրենց հետագա ուսումը բուհերում շարունակելու ինչ հնարավորություններ ունեն:**

— Լա Մարտինիեր դպրոցի 11-րդ եւ 12-րդ դասարանները «լավ» կամ «գերազանց» գնահատականներով ավարտելուց հետո հայ պատանիներին ու պարմանուհիներին բացառիկ հնարավորություն է տրվում իրենց ցանկությամբ եւ ընտրությամբ, ինչպես նաեւ ճեմարանի տեսչության հետ համաձայնությամբ, Կալկաթայի որեւէ բարձրագույն ուսումնական հաստատություն դիմելու՝ հետագա ուսումն ինչպես բակալավրիատում, այնպես եւ մագիստրատուրայում շարունակելու համար: Ուսման ողջ ընթացքում հայ ուսանողներին տրվում է կրթաթոշակ: Դրանից բացի՝ նրանց ուսման, ճեմարանում կեցության, սննդի, հագուստի եւ բժշկության ծախսերն ամբողջությամբ հոգում է Կալկաթայի Հայոց մարդասիրական ճեմարանը:

— **Խնդրում եմ նաեւ անդրադառնալ աշակերտների կենցաղին եւ առօրյային:**

— Ճեմարանում ուսումնական տարին սկսվում է ապրիլի սկզբներին եւ տևում մինչեւ հաջորդ ամսվա հարսի կեսը, իսկ ամառային արձակուրդը՝ մայիսի կեսից մինչեւ հունիսի վերջը: Հայաստանի ազգային-եկեղեցական եւ Հնդկաստանի պետական ու կրոնական տոներին ճեմարանում, հիմնականում, հայտարարված են ոչ աշխատանքային օրեր:

Դպրոցում գործում է հնգօրյա ուսումնական շաբաթվա կարգը՝ 8 դասաժամով:

Մեր աշակերտների առօրյան բավականին հարուստ ու հագեցած է: Ամեն առավոտ՝ նախաճաշից հետո, ճեմարանի դահլիճում տեսչի գլխավորությամբ եւ ուսուցիչների ու աշակերտների մասնակցությամբ տեղի է ունենում Ասամբլեան, որն սկսվում է Տերունական աղոթքով: Վերջինիս հաջորդում է Ս. Ներսես Շնորհալի հայրապետի «Իմաստութիւն Զօր Զիտութեան» աղոթքը, որից հետո բոլորը միասին երգում են Հայաստանի ազգային օրհներգը: Այնուհետեւ երկուական աշակերտ հանդես են գալիս կարճ ուղերձներով՝ կապված բնության պահպանության եւ մաքրության, էթիկոսիկների հետ եւ ջրի խնայողաբար գործածության, անձնական հիգիենայի, միմյանց հանդեպ հարգալից վերաբերմունքի, հայկական եւ հնդկական ազգային ու կրոնական տոների, պատմության իիշարածան դեպքերի ու դեմքերի եւ բազմաթիվ ու տարաբնույթ թեմաների առնչությամբ: ➔ էջ 4

Աշխարհի հնագույն հայկական գործող կրթական հաստատություններ

← էջ 3

Շաբաթվա բոլոր օրերին՝ դասերից հետո, աշակերտները մեկ ժամից ավելի զբաղված են լինում մարզական տարբեր խաղերով, ոմանք էլ նախընտրում են օգտվել մարզասրահից: Մեր աշակերտների ցանկալի մարզածներն են ֆուտբոլը, ռեգբին, բասկետբոլը, վոլեյբոլը, սեղանի թենիսը, լողը, կրիկետը, բադմինտոնը: Ամենօրյա մարզախաղերից հետո աշակերտներն անցնում են սերտոդրոմում՝ տեսչության եւ հայ ուսուցիչների հսկողության ներքո լավագույն եւ պատշաճորեն կատարելով հաջորդ օրվա համար նախատեսված տնային առաջադրանքները: Դասերից հետո եւ ազատ օրերին աշակերտների համար հաճախ կազմակերպվում են գրական, զեղարվեստական, ճանաչողական, մարզական, մշակութային միջոցառումներ ու մրցույթներ եւ այցեր Կալկաթայի եւ նրանից դուրս գտնվող տարբեր տեսարժան վայրեր, այդ թվում՝ աստղադիտարան, կենդանաբանական այգի, ջրաշխարհ, ժամանցային եւ գիտաճանաչողական վայրեր, թանգարաններ, ծովափ եւ այլն:



դական վայրեր, թանգարաններ, ծովափ եւ այլն:

Ճեմարանի աշակերտները սիրով մասնակցում են Կալկաթայի Սուրբ Երրորդություն, Սուրբ Գրիգոր Լուսավորիչ եւ Սուրբ Նազարեթ հայոց եկեղեցիներում մատուցվող Սուրբ Պատարագին, ինչպես նաեւ Կալկաթայից դուրս գտնվող հայկական եկեղեցիներ տարեկան ուխտագնացություններին:

Տարվա ընթացքում գերազանց վարք եւ ուսման մեջ առաջադիմություն ցուցաբերած, մարզական ու մշակութային մրցույթ-

ներում եւ միջոցառումներում առաջին երեք տեղերն զբաղեցրած աշակերտները ճեմարանի տեսչության կողմից պարգևատրվում են զովասանագրերով ու պատվոգրերով:

— **Հայր սուրբ, ի՞նչ սպասելիքներ ունեք ճեմարանավարտ սաներից:**

— Իր հիմնադրման օրվանից ճեմարանի նպատակը եղել է Հնդկաստանում եւ հարեան երկրներում բնակվող հայության մեջ մեր ազգի ստեղծագործ մտքի լուսավորության ջախը վառ պահելը: Ներկա պահին Կալկաթայի Հայոց

մարդասիրական ճեմարանը որակյալ ուսում եւ գերազանց կրթություն ապահովող, հայ երեխայի նյութական, բարոյական, հոգեւոր եւ դաստիարակչական խնամքով լավագույն զբաղվող, բարի ավանդույթներով առկայում հայկական կրթօջախ է: Մեր գերնպատակը ոչ միայն օտար երկրում հայի անդադար արարող մտքի լուսավորության ջախը պարզապես վառ պահելն է, այլ դրանից անդին՝ հայ պատանուց ուսյալ եւ գիտակից, քրիստոնեական հավատքով եւ արժեհամակարգով լի հայ մարդ կերտելը՝ ամբարած հարուստ գի-

տելիքներն ու փորձառությունը Հայաստանում եւ հանուն Հայաստանի ծառայեցնելու համար: Սկսած փափագն ու տեսիլքը Ն. Ս. Օ. Տ. Տ. Գարեգին երկրորդ Ամենայն Հայոց Կաթողիկոսի, որի հայրական օրհնության, անմիջական ուշադրության, ծնողական խնամքի եւ ամենօրյա հոգածության ներքո է գտնվում Կալկաթայի Հայոց մարդասիրական ճեմարանը:

Թող Աստված մեր ազգային կյանքում բազմապատկի գերորակյալ հայկական դպրոցների թիվը, որտեղ հայ մանուկը կարողանա գիտությամբ եւ հավատքով, իմաստությամբ եւ Աստծու շնորհներով հարստացած՝ աճել ու զարգանալ: Հայկական կրթօջախներում հայ մանուկը միշտ պիտի բարձրանա եւ երբեք չպիտի մվաղի ու նվազի, իսկ եթե պիտի խոնարհվի, ապա միայն ցորենի հասկի պես ու նրա օրհնակով՝ իր միջի ատուղը յուր ազգին ու եկեղեցուն ծառայեցնելու եւ օգտակար լինելու պայմանով:

— **Շնորհակալություն, Հայր սուրբ, հետաքրքիր եւ բովանդակալից հարցազրույցի համար:**


Նարեկավանք

← էջ 2

Նարեկավանքն ուխտագնացության սրբազան օջախ է, եւ նարեկյան այդ ուխտի նվիրական օրերն են համարվում մեր Տեր եւ Փրկիչ Հիսուս Քրիստոսի պայծառակերպության (Վարդավառ) եւ Վարդա Սուրբ Խաչի տոները: Նարեկ գյուղի զարդն է նաեւ վանքի հյուսիսարեւմտյան կողմում՝ մոտ 2 կմ հեռավորության վրա գտնվող այն սրբավայր-քարայրը, որտեղ ճգնել է Ս. Գրիգոր Նարեկացին:

Իսկ ի՞նչ առանձնահատկություններ ունեն Նարեկյան ուսումնակրթական կենտրոնը: Առհասարակ ողջ միջնադարում ուսումնական կենտրոնները կամ այլ կերպ ասած՝ վարդապետարանները, դարձել էին մատենագրական ու գիտական կյանքի հիմնասյունային հանգրվաններ: Այդպիսի մի հանգրվան էր նաեւ Նարեկավանքը, որտեղ Ամանիա Նարեկացու ջանքերով Ժ դարի երկրորդ կեսին հիմնադրվում է ուսումնական կենտրոնը: Նարեկավանքի վարդապետարանում են ուսանել ժամանակի ակամավոր գործիչները, որոնցից վստահաբար կարելի է առանձնացնել Ուխտագնաց պատմիչին եւ հայոց տիեզերական վարդապետ Ս. Գրիգոր Նարեկացուն: Նախելառաջ, սակայն, խոսենք Նարեկյան դպրոցի հիմնադրի՝ Ամանիա Նարեկացու մասին. նա մանկավարժ էր, փիլիսոփա եւ աստվածաբան, ինչպես նաեւ եկեղեցական նշանավոր գործիչ: Լայն տարածում են գտել մասնավորապես Ամանիա Նարեկացու խրատները, որոնցում հարուստ նյութ կա վանական կենցաղավարության, բարոյագիտության, խորհրդապաշտության (միստիկա) եւ դրա առանձնահատկությունների վերաբերյալ: Ամանիա Նարեկացու խրատաշարում գլխավորը, սակայն, մարդու մաքրագործման եւ բաղձալի փրկության խորհուրդն է:

Նարեկավանքի հաջորդ նշանավոր ներկայացուցիչը Խոսրով Անձեւացին է, որի մատենագրական ժառանգության մեջ կարելու տեղ է զբաղեցնում «Մեկնութիւն ժամակարգութեան» աշխատությունը: Այս երկը ծառայել է որպես ուսումնական ձեռնարկ եւ իր հոգեւոր-կրթական նշանակությամբ մեծ ազդեցություն է թողել Նարեկյան դպրոցի ձեւավորման ու զարգացման ընթացքի վրա: Խոսրով Անձեւացին իր այդ աշխատությամբ ջանացել է հավատա-



ցյալների շրջանում սեր արթնացնել գրի ու գրականության նկատմամբ՝ մերժելով օտարամոլությունը եւ ընդգծելով հայոց լեզվի ու հայ գրի նշանակությունը:

Նարեկյան դպրոցի հաջորդ կարկառուն ներկայացուցիչը Ս. Գրիգոր Նարեկացին է՝ Ամանիա Նարեկացու աշակերտը եւ Խոսրով Անձեւացու որդին: Ամանիա Նարեկացին ստեղծագործել է մինչեւ Ժ դարի 90-ական թթ., իսկ Ս. Գրիգոր Նարեկացին՝ մինչեւ 1003 թ., փաստորեն՝ ուսուցիչն ու աշակերտը շուրջ մեկուկես տասնամյակ համատեղ հոգեւոր-կրթական, գիտական գործունեություն են վարել: Եվ բնավ պատահական չէ, որ Ամանիա Նարեկացուն մահից հետո փոխարինել է վարդապետարանի ղեկավարումը ստանձնել է Ս. Գրիգոր Նարեկացին՝ հայոց մեծահամբար վարդապետը: Հայ եւ համաշխարհային գրականության մեջ Ս. Գրիգոր Նարեկացին հռչակվել է «Մատենանոց գեղարվեստական արժեքով, բովանդակայնությամբ, քնարերգական արվեստի անսահման հարստությամբ, բանաստեղծական բազմազան եւ գունագեղ արտա-


հայտչամիջոցներով նշանակալի ազդեցություն է թողել ոչ միայն Նարեկյան դպրոցի կրթադաստիարակչական ու ստեղծագործական ավանդության ձեւավորման, այլեւ համայն հայ եւ նույնիսկ համաշխարհային գրականության վրա: Սուրբ վարդապետի շուրթերն են դրոշմել աստվածադերս այս խոսքերը, որոնք ընթերցել եւ չազդվելն անհնարին է.

*Ընդէր կարծրացուցանես զսիրտ եղկելոյս՝
Չերկնչելի ի քէն, անճառ եւ ահաւոր:
Մի եղեց անպտուղ ի փոքր վաստակոյս՝
Իբր ապաքան սերմանող անբերրի երկրի:
Մի լիցի ինձ երկնել եւ ոչ ծնանել,
Ողբալ եւ ոչ արտասուել,
Խորիկել եւ ոչ հառաչել,
Ամպել եւ ոչ անձրեւել,
Ընթանալ եւ ոչ հասանել,
Ինձ ձայնել եւ քեզ ոչ լսել,
Պաղատիլ եւ անտես մնալ,
Կողկողել եւ ոչ ողորմել,
Աղաչել եւ ոչ ինչ օգտել,
Չոհել եւ ոչ ճենճերել,
Չքեզ տեսանել եւ դատարկ ելանել:
Լուր ինձ նախ քան զկարողալս իմ առ քեզ՝
միայնդ հզօր.
Մի զանվճար տանջանացն տոյժս՝
Ընդ թուով աւուրց մեղօք կեցելոյս
Չարագործիս ինձ հատուցաներ...*

Տիեզերական վարդապետի կոթողային ստեղծագործությունից մերշնչվել են ոչ միայն միջնադարի, այլ նաեւ մեր ժամանակների հայ քնարերգության եւ արվեստի նշանավոր ներկայացուցիչները:

Նարեկավանքը նաեւ բանասիրական ու մատենագրական հզոր կենտրոն է եղել: Այնտեղ գրվել են սուրբ պատարագի եւ ժամերգության մեկնություններ, կատարվել ընդօրինակություններ եւ թարգմանություններ, ծաղկվել բազմաթիվ ձեռագրեր: Նարեկավանքից մեզ հասած առաջին ձեռագիրը 1069 թ. գրված մի Ավետարան է:

Նարեկյան վարդապետարանի գիտակրթական համակարգը համապատասխանել է միջնադարյան բարձրագույն դպրոցների չափանիշներին, ինչի մասին է վկայում այն փաստը, որ Նարեկավանքում եւս դասավանդվում էին «յոթ ազատ արվեստները»:



ՀԱՅԱ ՎԱՅԱՆՅԱՆ

* * *

Դարերի միգում՝ բիրտ ու մոլեգին, Շատերն են փորձել ուժով ժամտ սրի եվ կամ խոսքերով՝ սուտ ու պատրածին, Պոկել մեր սրտից Նշանը Տերունի:

Բայց ջինջ հավատի լույսով հար օծված՝ Սրտում անթեղած անուրը Տիրոջ, Առաջ ենք շարժվել աչքներս միշտ հառած Կենսաճառագայթ Խաչին մեր Տիրոջ:

Մենք չենք վախեցել հրից ու սրից, Կտրել-անցել ենք մորիկը մահի, Ըմպել սարսափի լեղի գավաթից Ու չենք տապալվել զարկից ոսոխի:

Բայց մեր օրերում՝ մութ ու արյունոտ, Երբ ճախրում է ուրու հուսալքումի, Եվ անցյալ դժնի՝ թվում այնքան մոտ, Կրկին ընկել ենք գիրկը թմբիրի:

Մոռացել ենք մենք հավատը նախնյաց, Փակել ակունքը կենսատու ջրի, Ճառագայրվել պատրանքին խամրած, Ստրուկը դարձել անցավոր կրքի:

Բայց հուսալքումը մեզ չի տիրելու, Ոչ էլ կրքերն են հար շղթայելու մեզ, Կապանքները մեր հոգս են ցնդելու՝ Հարյալ Խաչյալի սիրուց մեղսակեզ:

Դեռ քայլելու ենք մթում դարերի՝ Հրի ու սրի, պատրանքի միջով, Եթե չենք ուզում չքվել գրկում անեի, Պիտի ընթանանք Քրիստոսի լույսով:

«Երիտասարդն ինչ միջոցով ուղղի ճանապարհն իր, եթե ոչ Քո խոսքերը պահելով»

(Սաղմ. ԾԺԸ 9):

«Երեխաները կյանքի առաջին իսկ տարիներից պետք է վարժվեն զբաղվել բացառապես նրանով, ինչն ուղղակի առաջնորդում է առ Աստված, այսինքն՝ Սուրբ Գրքի ընթերցանությամբ: Ըստ այդմ՝ Աստվածաշունչը քրիստոնեական դպրոցների ալֆան եւ օմեգան պետք է լինի: Այս դպրոցներում թող Աստծու գիրքը գլխավոր տեղը զբաղեցնի մյուս բոլոր գրքերի շարքում, այնպես որ Տիմոթեոսի օրինակով մանկուց Սուրբ Գիրք սովորած բոլոր քրիստոնյա պատանիները խրատվեն բարեպաշտությամբ (տե՛ս Բ Տիմ. Գ 15) եւ կրթվեն հավատքի խոսքերով (տե՛ս Ա Տիմ. Դ 6)»:

Նորագույն մանկավարժության հիմնադիր Կոմենսկին (1592–1670 թթ.) քննադատում է իր ժամանակի դպրոցներում պատանիների եւ պարմանուհիների կրթության եղանակը: Ըստ նրա՝ կամ քրիստոնեական դպրոցներից պետք է լիովին դուրս մղվեն հեթանոս հեղինակների ստեղծագործությունները, կամ չափազանց զգուշավորությամբ ուսուցանվեն: Ականավոր մանկավարժը գրում է. «Մեր երեխաները ծնվել են երկնքի համար, վերածնվել Սուրբ Դոգով. ուստի եւ նրանք պետք է դաստիարակվեն իբրեւ ապագա երկնաքաղաքացիներ ու նախեառաջ գիտելիքներ ձեռք բերեն երկնայինի, Աստծու, Քրիստոսի, հրեշտակների, Աբրահամի, Իսահակի, Դանիելի եւ այլոց մասին: Թեեւ Աստված շատ է հոգ տարել իր ընտրյալ ժողովրդի մասին, սակայն չի մշել որեւէ այլ դպրոց, քան այն, որտեղ Ինքն Իրեն կարգել է մեզ ուսուցիչ, մեզ դարձրել իր աշակերտները, մարգարեությունների ձայնը՝ իր վարդապետությունը: Նրա խոսքը մեր ճանաչողության ճաճանչափայլ լույսն է, մեր արարքների ամենակատարյալ առաջնորդը եւ երկու դեպքում էլ՝ մեր տկարությունների ամենահուսալի նեցուկը...»

Մեր քրիստոնեական արժանապատվությունը (քանի որ Քրիստոսով Աստծու որդիներ ենք դարձել, ընդունել թագավորական թափառությունն ու հավիտենականության ժառանգությունը) թույլ չի տալիս այնքան նսեմանալ եւ այլասերել մեր անձերն ու մեր երեխաներին, որ սերտ հարաբերություններ հաստատենք հեթանոսների հետ եւ նրանցով գայթակղվենք: Չէ՞ որ թագավորական ու իշխանական ընտանիքների երեխաների վրա դաստիարակներ չեն կարգում պորտաբույծներից, խեղկատակներից ու ծաղրածուներից, այլ լուրջ, խելացի եւ հավատացյալ անձանցից: Իսկ մենք, առանց ամաչելու, թագավորների Թագավորի որդիներին՝ Քրիստոսի կրտսեր եղբայրներին՝ հավիտենականության ժառանգներին, դաստիարակելու ենք տալիս խեղկատակ Պլավտոսին, գայթակղիչ Կատուկոսին, ամբարիշտ Օվիդիոսին, ամբարիշտ աստվածամարգ Լուկանոսին, ամբարոյական Մարցիալիսին եւ ճշմարիտ Աստծուն չճանաչող ու Նրանից չերկյուղող սրանց մնամների ամբոխին: Քանի որ սրանք ապրեցին առանց լավագույն կյանք ունենալու հույսի՝ ոտքից գլուխ ընկղմվելով իրական կյանքի տիղմի մեջ, ապա չեն կարող չկեղտոտվել նրանց, ովքեր չափազանց սերտ շփման մեջ են մտնում իրենց հետ: Օհ, բավական է, շատ է խենթություն եղել, քրիստոնյաներ: Ժամանակն է վերջ տալու այս ամենին: Աստված կանչում է մեզ հետեւելու բարուն. արժե անսալ այս կոչին: Քրիստոս՝ Աստծու հավիտենական իմաստությունը, Աստծու որդիների համար դպրոց է հիմնել իր տանը, ուր ռեկտորի եւ վարիչ-տնօրենի պաշտոնն ստանձնել է Ինքը՝ Սուրբ Դոգին, ուր ուսուցիչներին ու պրոֆեսորներին փոխարինում են մարգարեներն ու առաքյալները: Այստեղ բոլորն էլ օծված են ճշմարիտ իմաստությամբ, բոլորն էլ խոսքով ու գործով մատնանշում են ճշմարտության եւ փրկության ճանապարհը, բոլորն էլ սուրբ այրել են: Այստեղ աշակերտները միմիայն Աստծու ընտրյալներն են՝ մարդկանց անդրանիկները՝ Աստծու եւ Նրա Գառան միջոցով թողություն ստացածները: Դպրոցի տեսուչներն ու պահակները հրեշտակներն են, հրեշտակապետերը, երկնային իշխանություններն ու պետությունները (տե՛ս Եփես. Գ 10): Այստեղ տրվում է ամենայն մարդկային մտքի եզրահանգումներից



Աստվածաշունչը՝ դաստիարակության անկյունաքար

գերիվեր գիտելիք՝ ճշմարիտ, ստույգ եւ կատարյալ՝ համահունչ ինչպես այս, այնպես եւ գալիք կյանքի կարիքներին: Քանզի միայն Աստծու շուրթերն են այն աղբյուրը, որից բխում են ճշմարիտ իմաստության բոլոր վտակները, միայն Աստծու երեսն է այն ջահը, որտեղից ճառագում են ճշմարիտ լույսի ճաճանչները, միայն Աստծու խոսքն ունի այն արմատը, որից աճում են ճշմարիտ իմաստության ծիլերը»:

Ի պատասխան այն առարկությունների, թե հեթանոս փիլիսոփաների, հռետորների եւ բանաստեղծների աշխատություններում ու ստեղծագործություններում մեծ իմաստություն է ամփոփված՝ Կոմենսկին ասում է. «Նրանք, ովքեր շրջում են հայացքը լույսից, արժանի են խավարի: Ճիշտ է՝ բուհի համար մթնշաղն էլ կեսօր է, սակայն լույսի մեջ ապրելու համար ծնված կենդանիների պարագայում այդպես չէ: Ո՛վ սին մարդ, դու, որ լույս ես փնտրում մարդկային ընկալման խավարում, վեր բարձրացրու աչքերդ: Երկնքից՝ լույսի Աստծուց է բխում ճշմարիտ լույսը: Եթե մարդկային մեջ ինչ-ինչ բաներ էլ առկայծում կամ փայլում են, ապա դրանք այլ բան չեն, քան փոքրիկ կայծեր, որոնք թեւեւ լուսավոր են թվում եւ ինչ-որ բան են խավարում նստածների համար, սակայն բոլորովին անպիտան են մեզ համար, ում ձեռքերին բռնելու են համձնված՝ Աստծու խոսքի վառ լույս ճառագող ջահերը: Բնության մասին մտորելիս նրանք այս ու այն կողմ են ընկնում՝ բնավ հարցի էության մեջ չթափանցելով: Իսկ Սուրբ Գրքում Ինքը՝ բնության Տերը, բացահայտում է Իր գործերի մեծ գաղտնիքը՝ բացատրելով տեսանելի եւ անտեսանելի արարչագործություն բոլոր պատճառները: Երբ փիլիսոփաները խոսում են բարոյականության մասին, նմանվում են սոսնձով փակցված թեւերով թռչնակների, որոնք շարժվում են մեծ դժվարությամբ, բայց եւ բնավ առաջ չեն գնում: Իսկ Սուրբ Գիրքը բովանդակում է առաքնություններ ճշմարիտ նկարագրություններ՝ համոզիչ, միմչեւ ուղմունծով թափանցող հորդորներով եւ այդ ամենի կենդանի օրինակներ»: Այնուհետեւ ընդդիմախոսները պնդում են. «Եթե հեթանոսների գրքերը ճշմարիտ աստվածաբանություն չեն սովորեցնում, փոխարենն ուսուցանում են փիլիսոփայություն, որին անհնար է հասու լինել փրկության համար շնորհված Սուրբ Գրքում»: Պատասխանում եմ. «Իմաստության աղբյուրը բարձրյալ Աստծու խոսքն է» (տե՛ս Սիր. Ա 5): Ճշմարիտ փիլիսոփայությունը ոչ այլ ինչ է, եթե ոչ Աստծու եւ Նրա արարածների ճշմարիտ ճանաչողություն, եւ անհնար է այն առավել ճշմարտացիորեն սովորել որեւէ այլ տեղից, քան Աստծու խոսքերից: Թվարկելով Սուրբ Գրքի առավելությունները՝ Օգոստինոս երանելին մշտում է. «Այստեղ է փիլիսոփայությունը, քանզի ամենայն կեցության պատճառ արարիչ Աստծու մեջ է: Այստեղ է բարոյագիտությունը, որովհետեւ լավ եւ ազնիվ կյանքն ամբողջանում է այն ժամանակ, երբ սիրում են այն, ինչ հարկ է սիրել, այսինքն՝ Աստծուն ու մերձավորին, եւ այնպես, ինչպես հարկ է սիրել: Այստեղ է տրամաբանությունը, քանզի բանական հոգու ճշմարտությունն ու լույսն Աստված է: Այստեղ է նաեւ առավել գովասանքի արժանի պետական բարիքը, քանզի պետությունը լավագույնս պահպանվում է հավատքի եւ սերտ համաձայնության հիմքով ու միությանմբ, ընդ որում՝ սիրո նպատակը՝ համընդհանուր բարիքն է, իսկ վսեմագույն եւ ճշմարտագույն բարիքը՝ Աստված: Արդեն այս հարյուրամյակում ոմանք ապացուցել են, որ փիլիսոփայական բոլոր գիտությունների եւ արվեստների հիմքն առավելապես Սուրբ Գրքում է, քան որեւէ այլ տեղում: Սուրբ Դոգու տեսությունը պարզապես զարմանք է հարուցում. ճիշտ է՝ Նա նախեառաջ ձգտում է լուսավորել անտեսանելին ու հավիտենականը, սակայն, այդուհանդերձ, այստեղ եւ այնտեղ բացահայտում է բնականն ու արհեստականը, առաջնորդում ամեն մի խոհեմ խորհուրդ եւ արարք: Դեթանոս փիլիսոփաների երկերում հազիվ թե հանդիպի այս ամենի ստվերը»:

Դերբելով այն առարկությունները, թե պատանիները գեթ հանուն ոճագեղության, պետք է ընթերցեն եւ ուսումնասիրեն հեթանոս հեղինակների ստեղծագործությունները, Կոմենսկին նկատում է. «Միթե միայն հեթանոսները կարող են հասկանալ խոսքի նրբագեղությունը: Խոսքի ամենակատարյալ նկարիչը Նա է, Ով ցանկ է այն, այսինքն՝ Սուրբ Դոգին, Որի խոսքերը մեղրից քաղցր են, երկայրի սրից սուր, երկաթ հալեցնող հրից թեժ, ժայռեր փշրող մուրճից ծանր, որոնք ընկալում եւ ազդարարում են Աստծու սրբերը: Միթե միայն հեթանոսներն են պատմում հիշարժան պատմություններ: Մեր Գիրքը լեցուն է առավել ճշմարիտ եւ զարմանահրաշ պատմություններով: Միթե միայն նրանք կարող են փոխաբերություններ, դարձվածքներ, ակնարկներ, այլաբանություններ, առակներ ու ասույթներ գործածել: Այս ամենից լիովին մենք էլ ունենք: Միայն բորոտը կարող է երեսակայել, որ Դամասկոսի Նաբանա եւ Փարիարա գետերը Դորդանանից եւ Իսրայելի բոլոր ջրերից լավն են (տե՛ս Դ Թագ. Ե 12), կարճատեսը՝ որ Օլիմպոսը, Դելիկոնը, Պառնասն առավել բարետես են, քան Սինայը, Սիոնը, Դերմոնը, Թաբորը եւ Չիթենյաց լեռը, միայն խուլը՝ որ Օրփեոսի, Դոմերոսի, Վերգիլիոսի քնարն առավել քաղցրալուր է հնչում, քան Դավթի տավիղը: Միայն փչացած թիմբին նեկտարը, ամբրոսիան եւ կաստալյան աղբյուրները կարող են ավելի համեղ թվալ, քան երկնային իսկական մանանան ու խրայելական աղբյուրները: Միայն այլասերված սրտին կարող են առավել մեծ հաճույք պատճառել չաստվածների, չաստվածուհիների, մուսաների եւ քարիսների (հռոմեական դիցաբանության մեջ ստացել են Գրացիաներ անվանումը) անուկները, քան գորությունների Տիրոջ՝ Դիսուս Փրկչի երկրպագելի անունը եւ Սուրբ Դոգու բազմապիսի շնորհները: Միայն կոյր հույսն է առավել սիրահոժար ճախրում Էլիսիոնի դաշտերում, քան դրախտի այգիներում: Քանզի այնտեղ ամեն ինչ հեքիաթ է, ճշմարտության ստվեր, իսկ այստեղ՝ ճշմարտություն եւ իրականություն...

Առարկում են, թե Աստվածաշունչի գրքերը չափազանց խրթին են պատանիների համար, եւ այդ իսկ պատճառով, քանի դեռ նրանց մտածողությունը չի ձեւավորվել, այլ գրքեր են առաջարկում: Պատիժ է այն պնդումը, թե Սուրբ Գիրքը, չափազանց վսեմ լինելով, իբրեւ թե մանկական ըմբռնումից գերիվեր է, կամ էլ Աստված չի կարողացել հարմարեցնել Իր խոսքը մեր ընկալմանը (տե՛ս Բ Օրենք ԼԱ 11–13): Չէ՞ որ Դավթն ասում է. «Տիրոջ վկայությունն ստույգ է եւ իմաստուն է դարձնում տիասներին» (Սաղմ. ԺԸ 8), իսկ Պետրոս առաքյալն Աստծու խոսքն անվանում է «նորածին երեխաների կաթ»՝ շնորհված «նրա միջոցով փրկության համար աճելու» (տե՛ս Ա Պետ. Բ 2) եւ զորանալու: Տե՛ս, ուրեմն, որ Աստծու խոսքը Նրա կաթն է՝ շատ նուրբ, քաղցր եւ օգտակար սնունդ Աստծու նորածին երեխաների համար: Ինչհի հակառակել Աստծուն. մանավանդ որ հեթանոսական կերակուրը կոշտ է եւ ամուր ատամներ է պահանջում, որոնք, այնուամենայնիվ, կամաց-կամաց փշրում է: Այդ իսկ պատճառով Սուրբ Դոգին Դավթի շուրթերով կանչում է երեխաներին Իր դպրոցը. «Եկեք, Իմ որդիներ, եւ լսեք ինձ. ես կսովորեցնեմ ձեզ Տիրոջ երկյուղը» (Սաղմ. ԼԳ 12): Վերջապես կարող ենք խոստովանել, որ Սուրբ Գրքում, ամշուշտ, խորություններ կան, սակայն այնպիսիք, որոնցում, ինչպես դիպուկ նկարագրել է Օգոստինոս Երանելին, փղերն ընկղմվում են, իսկ գառնուկները՝ լողում: Այս խոսքը նա ասել է զուգահեռներ անցկացնելիս Սուրբ Գրքի վրա մեծագույն հպարտությամբ հարձակումներ գործող այս աշխարհի իմաստունների եւ Քրիստոսի որդիների միջեւ, որոնք խոնարհ սրտով ու սովորելու պատրաստակամությամբ են ձեռնամուխ լինում Աստվածաշունչին: Բաց ծովում իսկույն լողալու անհրաժեշտություն չկա. կարելի է աստիճանաբար դա անել: Սկզբում պետք է գնալ քրիստոնեական վարդապետության ափով, ապա ծանծաղուտով՝ ուսումնասիրելով այն սրբազան պատմությունները, բարոյական ասույթները եւ այլն, որոնք դյուրամատչելի են եւ նախապատրաստում են հաջորդ՝ առավել վսեմ բնագրերի ըմբռնումը: Ի վերջո, երեխաները կարող կլինեն լողալ նաեւ հավատքի խորհուրդների միջոցով: Այսպիսով՝ մանկուց ամանացորդ նվիրվելով Սուրբ Գրքի սերմանան՝ նրանք առավել դյուրին խույս կտան աշխարհի այլասերման որոգայթից եւ իմաստուն կդառնան «փրկության համար այն հավատի միջոցով, որ Քրիստոս Դիսուսի մեջ է» (Բ Տիմ. Գ 15): Քանզի նա, ով նվիրվում է Աստծուն եւ մատելով Քրիստոսի ոտքերի ոտո՝ խոնարհեցնում իր ականջներն ի վերուստ իջնող իմաստությունը լսելու, անպայման Սուրբ Դոգու շնորհներին կարժանանա՝ ճշմարիտ ճանաչողությամբ լուսավորվելու եւ հստակ լույսի ներքո փրկության շավիղները տեսնելու համար: Չեմ խոսում այն հեղինակների երկերի մասին, որոնք պարտադրում են քրիստոնյա երիտասարդությանը (Տերենտիոս, Կիկերոն, Վերգիլիոս եւ այլք), եւ հենց այնպիսին են, ինչպիսին որ ցանկանում են ներկայացնել Սուրբ Գիրքը, այսինքն՝ պատանիների համար խրթին եւ դժվարըմբռնելի: Չէ՞ որ դրանք գրված են ոչ թե երեխաների, այլ հասուն դատողության տեր մարդկանց համար, որոնք շրջում են թատրոններում եւ ֆորումներում (իմա՞ հրապարակներ): Դետեաբար՝ ինքնին հասկանալի է, որ դրանք այլոց համար բնավ էլ օգտակար չեն: Անկասկած, հասուն տարիքում մեկ անգամ Կիկերոնի երկն ընթերցելն առավել օգտակար է, քան, ասենք, պատանեկության տարիներին այն ծայրից ծայր անգիր անելը: Ինչհի այս հեղինակների ստեղծագործությունների ուսումնասիրությունը չհետաձգել մինչեւ մի հարմար ժամանակ նրանց համար, ովքեր դրա կարիքն ունեն, եթե դրա կարիքն առհասարակ կա: Ամենակարեւորը, սակայն, ինչպես արդեն վերն ասել ենք, քրիստոնեական դպրոցներում երկնքի, այլ ոչ թե երկրի քաղաքացիներ պատրաստելն է: Այդ իսկ պատճառով անհրաժեշտ է այնպիսի ուսուցիչներ կարգել, որոնք երկրայինից առավել երկնայինը, աշխարհիկից առավել սրբազանն ուսուցանեն»:

Շարունակելի

Նյութը պատրաստեց
Գրիգոր ԴԱՐԲԵՆՅԱՆԸ

Հայ եկեղեցին եւ արեւելահայ դպրոցը ԺԹ դարի երկրորդ կեսին

Սկիզբը՝ 2022-ի թիվ 23, 2023-ի թիվ 2—3, 13—15

Դ. ՎԱՆԱԿԱՆ ԴՊՐՈՑՆԵՐ

Ոգետոր կրթություն ստանալու գործում ինչպես Հայաստանում, այնպես եւ քրիստոնեական մշակույթ ունեցող գրեթե յուրաքանչյուր երկրում ուրույն տեղ ունեին վանական դպրոցները: Վանական դպրոցները համեմատաբար փոքրաթիվ էին, քան ծխական, վիճակային կամ թեմական կրթօջախները: 1800-ական թվականների սկզբներին Արեւելյան Հայաստանում գործող վանական դպրոցների շարքում հիշատակվում է նաեւ Ս. Էջմիածնի՝ 1640 թ. հիմնադրված ժառանգավորաց վարժարանը, որը գոյության ողջ ընթացքում նպաստում է կրթության կազմակերպմանը:

Ծանոթանալով վարժարանի պատմությանը՝ նկատում ենք, որ ԺԹ դարի առաջին կեսին վարժարանն ուսումնական առումով նշանակալի հաջողություններ չի արձանագրում: Սակայն Ամենայն Հայոց Կաթողիկոսի եւ Սինոդի ուշադրության կենտրոնում լինելով՝ ժամանակի ընթացքում բոլոր խնդիրները կարգավորվում են: Համաձայն 1845 թ. հաստատված «վասն հոգեւոր դպրոցին Էջմիածնի» կանոնադրության՝ վարժարանում պետք է ուսանեին միայն հոգեւորականների ընտանիքների զավակները եւ ապագա եկեղեցական սպասավորները, հաճախ, բացառության կարգով, թույլատրում էին սովորել նաեւ աշխարհիկ ծագում ունեցող սահմանափակ թվով աշակերտների: Ս. Թադիադյանը հաղորդում է, որ ժառանգավորաց դպրոցի աշակերտները բաժանվում էին երկու խմբի՝

ա. որդեգիրներ, որոնք լիովին գտնվում էին վանքի հոգածության ներքո՝ անվճար ստանալով ոչ միայն կրթություն, այլ նաեւ կացարան, սնունդ եւ հագուստ,


բ. երթեւեկներ, որոնք առանց ապրուստի միջոցների՝ ուսանում էին դպրոցում (տես Ս. Թադիադյան, Ճանապարհորդութիւն ի Հայս, Կալկաթա, 1847, էջ 111—114):

Վարժարանում կրթական նշանակալի գործունեություն էին ծավալում ժամանակի հայտնի մանկավարժներ Ս. Թադիադյանը, Կ. Վասակյանը, Ս. Պատկանյանը եւ այլք: 1836 թ. «Պոլիտեմիեն» պաշտոնապես ճանաչում էր հոգեւոր դպրոցների գոյությունը, ինչը ներքին կարգուկանոն սահմանելու եւ ուսումնական ծրագրեր մշակելու լայն հնարավորություն էր ընձեռում:

1830—1860-ական թվականներին վարժարանում սովորող աշակերտների թիվը տատանվում էր 20—50-ի սահմանում, դասավանդում էր 6 ուսուցիչ: Վարժարանում ուսման տեւողություն սահմանված չէր. այն պայմանավորված էր դասավանդող առարկաների քանակով եւ յուրաքանչյուր աշակերտի գիտելիքների մախնական պաշարով ու առաջադիմությամբ: Վարժարանում, բացի հայոց լեզու, հայ ժողովրդի պատմություն, թվաբանություն, երաժշտություն, Աստվածաշնչի սերտողություն եւ մի շարք այլ առարկաներից, պարտադիր կերպով դասավանդվում էին ռուսերեն եւ Ռուսաստանի աշխարհագրություն: Ակներեւ է, որ հայկական բոլոր կարգի դպրոցների նկատմամբ ցարական իշխանությունների քաղաքականությունը գրեթե նույնն էր. ԺԹ դարում եւ հատկապես դարի երկրորդ կեսին հայկական դպրոցներում առաջնային դասարկմանը ու հոգեւորականների կողմից հարգմանը:

սին հայկական դպրոցներում առաջնային դասավանդվող առարկաները ռուսերենն ու Ռուսաստանի աշխարհագրությունն էին: Ս. Խուրդյանը տեղեկություններ չի հաղորդում, թե ինչ պատճառով է փակվել վարժարանը, միայն նշում է, որ «1813-ին Ներսես Աշտարակեցին վերաբացում է ժառանգավորաց դպրոցը, որն իր գոյությունը պահպանում է նաեւ Գեւորգյան ճեմարանը հիմնելուց հետո էլ...» (Ս. Խուրդյան, Արեւելահայ դպրոցները 1830—1920 թթ., Երեւան, 1987, էջ 157): Տեղեկությունները վարժարանի վերաբերյալ սակավ են. 1882 թ. կրթօջախը միացվել է Գեւորգյան հոգեւոր ճեմարանին:

Դեռեւս 1869 թ. Գեւորգ Դ Կոստանդնուպոլսեցի (1866—1882 թթ.) կաթողիկոսը հաստատել էր վանական դպրոցների կանոնադրությունը: Կանոնադրության առաջին կետը ներկայացնում էր վանական դպրոցի նպատակը՝ «...պատրաստել զաշակերտս վասն ուսումնարանի Մայր Աթոռ Ս. Էջմիածնի առ բարւոյց կրթութիւն ի բարձրագոյն ուսմունս կարեւորս կուսակրօն, ընտիր, բարեկիրթ եւ համաբարւոր եկեղեցականաց» («Արարատ» ամսագիր, 1869, թիւ 5—12, էջ 4): Կանոնադրությունը բաղկացած էր հետեւյալ մասերից՝ «Տեսչութիւն վանական դպրոցաց», «Աշակերտք», «Ուսանելի առարկայք», «Հոգեւոր կրթութիւնք» եւ «Կարգ կենցաղավարութեան աշակերտաց»: Կանոնադրության համաձայն՝ վանական դպրոցներն ունենալու էին երեք դասարան՝ «...երբեք դասարանք են ի դպրոցին»: Առաջին դասարանում աշակերտներն ուսանում էին քրիստոնեական վարդապետություն, հայոց պատմություն



(համառոտ), թվաբանություն (առաջին մաս), աշխարհագրություն (համառոտ) եւ վայելչագրություն, երկրորդում՝ Հին եւ Նոր կտակարանների պատմություն, քրիստոնեական վարդապետություն (ընդարձակ), շարականների երգեցողություն եւ «թարգմանութիւն յաշխարհիկ բարբառոյ ի գրոցն, եւ ի գրոց լեզուէ յաշխարհիկն»... ի դեպ՝ վերջին առարկան հոգեւոր դպրոցի համար մշակված կրթական ծրագրերի ուսումնասիրության ընթացքում առաջին անգամ է հանդիպում: Երրորդ դասարանում դասավանդվում էին եկեղեցու եւ հայոց պատմություն, աշխարհագրություն, թվաբանություն եւ շարականների երգեցողություն: ➔ էջ 8

ՅԱԿՈԲ ՊԱՏՐԻԱՐԺ ԴԱՆԵԱՆ

ՔՐԻՍՏՈՆԷԱԿԱՆ ՈՒՍԱՆԵԼԻ

Սկիզբը՝ թիւ 9—15

Հաւատքի աստիճաններում մեկնութիւնը

Իններորդ հարցում. սիրոյ մասին, որ աստուածաբանական երրորդ առաքինութիւնն է:

Սերը օրէնքներու լրումն է, որովհետեւ առանց սիրոյ՝ մարդ ինչ գործի որ ձեռնարկէ, անկատար կը ձգէ, սակայն եթէ մարդ մը սէր ունենայ, Աստուծոյ օրէնքն ու պատուիրաններն ի կատար կ'ածէ ու կ'ամբողջացնէ: Դարձեալ՝ սերը՝ սուրբ սիրտէ գլխաւորած, ինքզինքն եւ իր ընկերը սիրելն է: Սուրբ սիրտէ այն պատճառով կ'ըսեն, որովհետեւ մարդ մը, որ մեղքերու մէջ է, չի կրնար սուրբ սիրտով գլխաւորած սիրել, քանի որ սիրտը չար խորհուրդներով պղծուած է:

Նաեւ՝ մարդ պետք է ինքզինքն սուրբ սիրտով եւ սուրբ սիրով սիրէ, ոչ թէ ինքզինքն սիրէ աշխարհի ունայն եւ խաբուսիկ բաներով, այլ բարի գործերով:

Տակաւին, մարդ Աստուծոյ համար պետք է իր ընկերը սիրէ, քանի որ Աստուծոյ պատկերով է ան. արքայութեան համար, քանի որ արքայութեան մէջ ինքի ընկերակից է. նմանութեան համար, որովհետեւ իւրաքանչիւր նման բան իր նմանը կը սիրէ. եղբայրութեան համար, քանի որ բոլորս ալ մէկ իօր՝ Աղամի զաւակներն ենք:

Դարձեալ՝ սերը պետք է անկեղծաւոր բարութեամբ ըլլայ, քանի որ Յուդան սիրոյ նշանով մատնեց իր Վարդապետը՝ ըսելով՝ ողջոյն Քեզի, Վարդապետ: Իսկ Յովաք սպարապետը Դաւիթ մարգարէին, Աբէներ սպարապետը Սաւուդին սիրոյ նշանով սպանեց: Այսպէս ալ Հերովդէսը երկրպագութեան պատճառով կ'ուզէր նորածին Թագաւորը՝ զՔրիստոս սպանել: Այս պատճառով այսպիսի մարդոց համար կ'ըսուի, թէ՛ լեզուն սիրուն, սիրտը սլաք՝ մեծամեծ մեղքերու մայրաքաղաք:

Տակաւին, սերը երեք կերպ է. որդիական, եղբայրական եւ բնական: ՉԱստուած որ կը սիրենք, որպէս Աստուած արժան ու պատշաճ է սիրոյ, ասիկա որդիական է: Ընկերը,



որ կը սիրենք Աստուծոյ համար, ասիկա եղբայրական է: Իսկ որ մեզ կը սիրենք, որպէսզի չարիքի չհանդիպինք, ասիկա բնական է: Տակաւին, չար սէր ալ կայ, որ աշխարհական կը կոչուի:

Առանց սիրոյ բարի գործերը պատկերներ են եւ ոչ կենդանի.

Ով որ գլխաւորած, ինքզինքն ու իր ընկերը չի սիրեր, կը մեռնի:

Տասներորդ հարցում. այն մասին, թէ ինչ է բարոյական առաքինութիւնը:

Բոլոր առաքինութիւնները եօթն են. երեքը՝ աստուածային ու աստուածաբանական կը կոչուին, որովհետեւ մարդս դէպի Աստուած կ'ուղղեն ու դէպի Աստուած կ'առաջնորդեն, հետեւաբար հաւատքով կը ճանչնանք, յոյսով կը դիմենք ու սիրով կ'ըմբռնենք: Իսկ չորսը, այսինքն՝ խոհեմութիւնը, քաջութիւնը (արիւնքիւն), ողջախոհութիւնն ու արդարութիւնը մարդկային եւ բարոյական առաքինութիւններ կը կոչուին, քանի որ մարդկային հոգին ու մարմինը կանոնաւորաբար բարեպէս կը կարգաւորեն, որովհետեւ սովորութեան

պատճառով մարդուն կամքը կը խոնարհի թէ դէպի չարը եւ թէ դէպի բարին: Քանի որ ինչպէս շատ գրեւէ լաւ գրագիր կ'ունենանք, այդպէս ալ շատ ու յաճախակի բարի գործեր գործելով՝ բարի կ'ըլլանք, որովհետեւ սովորութիւնը՝ թէ չար ու թէ բարի, կարծես թէ երկրորդ բնատրութիւնը կ'ըլլայ մարդուն:

Արդարեւ, բարոյական առաքինութիւնը միջին ու արքունական ճանապարհ է, որ մարդուն հոգին մեղքերու չարիքէն ու անխոհեմ եւ հապճեպով կատարուած բարի գործերէն կը քաշէ ու մարդս առաքինութեան միջին ճանապարհին կը մօտեցնէ: Օրինակով ըսեն. օր մը սուրբ հայր Ամտոնն իր խեղճութիւն միաբանները դուրսը՝ ապահով տեղ մը հանեց, որպէսզի քիչ մը զովանան. սեւ եթովպացի որսորդ մարդ մը տեսաւ, շփոթեցաւ ու ըսաւ, թէ՛ այ հայ, մեր լսածին պէս չեկաւ. մայս է սուրբ հայր Ամտոնը, որուն ձայնն ամբողջ աշխարհը բռնած է, իսկ ինք հաճոյքի մէջ մխրճուած է այս ապահով ու օղակում վայրին մէջ:

Սուրբ հայր Ամտոնը մարգարեական հոգիով իմացաւ այդ մարդուն մտածումը, իր մօտ կանչեց ու հարցուց անոր.

— Ի՞նչ գործ ունիս այս անապատին մէջ: Ան պատասխանեց.
— Նետով ու աղեղով որսի ելած եմ: Սուրբ Ամտոնն ըսաւ.
— Լաւ մը լարէ՛ մետղ ու աղեղդ: Ան լարեց զայն: Ապա հայր Ամտոնն ըսաւ.
— Լաւ մը քաշէ: Ան ալ քաշեց: Սուրբ Ամտոնն ըսաւ.
— Չէ, այդպէս չէ: Շատ քաշէ, ինչքան ոյժ որ ունիս: Ան դարձաւ ու ըսաւ հայր Ամտոնին.
— Եթէ շատ քաշեմ, լարն ու աղեղը կը կտրուին: — Լաւ, եթէ այդպէս է,— ըսաւ հայր Ամտոնը,— վարի մասէն քաշէ: Որսորդն ըսաւ.
— Վարի մասէն եթէ քաշեմ, նետն իր նշանին չի հասնիր:

— Վայ, այդպէս է,— ըսաւ հայր Ամտոնը,— արդարեւ, ես ալ եթէ խեղճ միաբաններու անընդհատ սեղմնն ու շունչ չտամ, կը կտրուին ու կը յուսահատին. իսկ եթէ ընդհանրապէս թոյլ [ազատ] ձգեմ, իրենց մշանին՝ երկինքի արքայութեան չեն հասնիր:

Հիմա քեզի նոյնն ըսեն, ինչ Սուրբ Ամտոնը եթովպացիին ըսաւ.

Բարոյական առաքինութիւնն են նետն ու աղեղը, իսկ դուն՝ մետահար եւ աղեղի օգնութեամբ մետ արձակող անձ: Եթէ չափէն աւելի կամեցար առաքինանալ՝ մարմինդ միմեծ մահ ճնշելով, արդարեւ լարը կտրեցիր ու արքունի ճանապարհէն դուրս ելար: Իսկ եթէ ընդհանրապէս թոյլ ու ծոյլ նմացիր, մարմինդ պարարեցիր ու հոգիիդ կարիքները չհոգացիր, որով նշանիդ՝ արքայութիւն չժամանեցիր:

Այս պատճառով Սուրբ Գրիգոր Աստուածաբանը կ'ըսէ, թէ առաքինութիւնը միջոցին մէջ կը կայանայ: Ով որ երկու կողմերէն ինկած է, չարութեան մէջ է, այս է, որ զոյնմիմեծ մէջ կ'ընենք՝ աջ ու ձախ խոտորելով: Իսկ բարոյական առաքինութիւններն աջէն ու ձախէն մարդուն հետ կը քաշեն ու դէպի միջին ճանապարհ կ'ուղղեն անոր հոգին:

Հիմա ըսենք, թէ քանիսն են բարոյական առաքինութիւնները:

Բարոյական առաքինութիւնները չորսն են. Առաջին՝ խոհեմութիւն: Երկրորդ՝ քաջութիւն (արիւնքիւն): Երրորդ՝ ողջախոհութիւն: Չորրորդ՝ արդարութիւն: Խոհեմութիւնը բանականին առաքինութիւնն է:

Քաջութիւնը՝ ցամաքականին: Ողջախոհութիւնը՝ ցանկականին: Արդարութիւնը՝ ամբողջ անձին: Այն ատեն կատարեալ բարոյական առաքինի կ'ըլլաս, երբ հոգիդ արդարի բարութիւններով երանեալ կ'ըլլայ:

Շարունակելի

Փոխադրութիւնը՝
Վարանդ (Յակոբ) ՔՈՐԹՄՈՍԵԱՆԻ

ԴԻՄԵՐԻ ԼԻՆԱԶՈՎ ՆԱՄԱԿՆԵՐ ԲԱՐՈՒ ՄԱՍԻՆ

Սկիզբը՝ 2022-ի թիվ 19 — 2023-ի թիվ 10, 15



Նամակ երեսունյոթերորդ ԱՐՎԵՍՏԻ ՀՈՒՆԱՐՁԱՆՆԵՐԻ ՀԱՄԱԼԻՐՆԵՐ

Բուրաքանչյուր երկիր արվեստի համալիր է: Մշակույթ-ների կամ մշակույթի հուշարձանների վիթխարի համալիր է նաեւ հորհրդային Միությունը: Քաղաքները հորհրդային Միությունում, որքան էլ որ զանազան են, մեկուսացված չեն միմյանցից: Մոսկվան եւ Պետերբուրգը ոչ թե պարզապես նման են, այլ հակադրվում են միմյանց, հետեւաբար՝ փոխազդում: Պատահական չէ, որ դրանք միացած են այնքան ուղիղ երկաթգծով, որ գնացքով գիշերն առանց շրջադարձերի եւ միայն մեկ կանգառով ճանապարհորդելով ու հասնելով Մոսկվայի կամ Պետերբուրգի կայարան՝ տեսնում եք գրեթե նույն կայարանի շենքը, որը ձեզ ճանապարհել էր երեկոյան. Պետերբուրգում Մոսկովյան կայարանի եւ Մոսկվայի՝ Պետերբուրգյանի արտաքին տեսքը նույնն է: Կայարանների նմանությունը, սակայն, ընդգծում է քաղաքների կտրուկ տարբերությունը՝ ոչ պարզ, այլ միմյանց փոխլրացնող տարբերությունը:

Նույնիսկ թանգարաններում արվեստի գործերը պարզապես չեն պահվում, այլ կազմում են մշակութային որոշ համալիրներ՝ կապված քաղաքների եւ երկրի պատմության հետ առհասարակ: Թանգարանների կազմությունն ամենեւին պատահական չէ, թեւեւ դրանց հավաքածուների պատմության մեջ քիչ չեն որոշ պատահականությունները: Պատահական չէ, օրինակ, որ Պետերբուրգի թանգարաններում այդքան շատ են հուլանդական (շնորհիվ Պետրոս Ա-ի), ինչպես նաեւ ֆրանսիական գեղանկարները (շնորհիվ ԺԺ դարի եւ ԺԺ դարասկզբի պետերբուրգյան ազնվականության):

Սակայն նայեք այլ քաղաքներում: Նովոգորոդում արժե տեսնել սրբապատկերները: Այն հին ռուսական գեղանկարչության երրորդ ամենամեծ են արժեքավոր կենտրոնն է: Կոստրոմայում, Նիժնի Նովոգորոդում եւ Յարոսլավում արժե տեսնել ԺԺ եւ ԺԺ դարերի ռուսական գեղանկարչությունը (դրանք ռուսական ազնվական մշակույթի կենտրոններն են), իսկ Յարոսլավում նաեւ ԺԺ դարի «վոլգյանը», որն այստեղ ներկայացված է այնպես, ինչպես ոչ մի այլ տեղ:

Բայց եթե դիտարկեք մեր ողջ երկիրը, կգարմանաք քաղաքների եւ դրանցում պահվող մշակույթի բազմազանությամբ եւ ինքնատիպությամբ. թանգարաններում ու մասնավոր հավաքածուներում եւ պարզապես հենց փողոցներում, չէ որ գրեթե ամեն մի հին տուն գանձ է: Որոշ տներ եւ ամբողջական քաղաքներ արժեքավոր են իրենց փայտե փորագրություններով (Տոմսկ, Վոլոգդա), մյուսները՝ առափնյա փողոցների, ծառուղիների հիասքանչ հատակագծերով (Կոստրոմա, Յարոսլավ), երրորդները՝ քարե առանձնատներով, չորրորդները՝ զարմանահիմար եկեղեցիներով:

Սակայն շատ բան է նրանց միավորում: Ռուսական քաղաքների ամենաբնորոշ առանձնահատկություններից է դրանց՝ գետի բարձր ափին տեղակայված լինելը: Քաղաքը տեսանելի է հեռվից եւ ասես ներքաշված է գետի շարժման մեջ. Վելիկիյ Ռուսյուգ, վոլգյան քաղաքներ, Օկայի երկայնքուն գոտիվող քաղաքներ: Այդպիսի քաղաքներ կան նաեւ Ուկրաինայում. Կիև, Նովոգորոդ-Սևերսկի, Պոտիվ:

Այդ Դին Ռուսիայի ավանդույթներն են. Ռուսիա, որից սկիզբ են առել Ռուսաստանը, Ուկրաինան եւ Բելառուսը, իսկ հետո նաեւ Սիբիրը՝ Տոբոլսկի ու Կրասնոյարսկի հետ...

Քաղաք՝ բարձր ափին, հավերժ շարժման մեջ: Այն «լողում» է գետի կողքով: Եվ դա նույնպես Ռուսիային բնորոշ հայրենի լայնարձակ տարածությունների զգացումն է:

Երկրում առկա է ժողովրդի, բնության ու մշակույթի միասնություն:

Մեր քաղաքների ու գյուղերի բազմազանության պահպանումը, դրանցում պատմական հիշողության, դրանց ընդհանուր ազգային եւ պատմական յուրօրինակության պահպանումը մեր քաղաքաշինության կարեւորագույն խնդիրներից է: Ողջ երկիրը մշակութային վիթխարի համալիր է: Այն պետք է պահպանվի իր զարմանահիմար հարս-

տությամբ: Մարդուն իր քաղաքում եւ գյուղում դաստիարակում է ոչ միայն պատմական հիշողությունը, այլ նաեւ հայրենի երկիրն իր ամբողջությամբ: Այժմ մարդիկ ապրում են ոչ միայն իրենց «վայրում», այլեւ ողջ երկրում, եւ ոչ միայն իրենց դարով, այլեւ իրենց պատմության բոլոր դարերով:

Նամակ երեսունյոթերորդ ԱՅԳԻՆԵՐ ՈՒ ՊՈՒՐԱԿՆԵՐ

Մարդու փոխազդեցությունը բնության, բնապատկերի հետ միշտ չէ, որ տեսնում է դարեր ու հազարամյակներ, եւ միշտ չէ կրում «բնական-անգիտակցական» բնույթ: Բնության մեջ հետք է մնում ոչ միայն մարդու գյուղական աշխատանքից, եւ բնությունը ոչ միայն ձեւավորում է վերջինիս աշխատանքը. երբեմն մարդը գիտակցաբար ձգտում է վերափոխել իր շրջապատի բնատեսարանը՝ կառուցելով այգիներ ու պուրակներ:



Այգիներն ու պուրակներն ստեղծում են մարդու եւ բնության մի տեսակ «կատարյալ» փոխազդեցություն. «կատարյալ»՝ մարդկության պատմության ամեն մի փուլի համար, այգի-պուրակային ստեղծագործության յուրաքանչյուր հեղինակի համար:

Եվ այստեղ կցանկանայի մի քանի խոսք ասել այգիների եւ պուրակների արվեստի մասին, որն իր էությամբ միշտ չեն լիովին ընկալել մեկնաբանները, մասնագետները (այգեգործության տեսաբանները եւ գործնականացնողները):

Այգի-պուրակային արվեստը բոլոր արվեստներից ամենագրավիչն ու մարդու վրա ամենամեծ ազդեցություն գործողն է: Նման պնդումն առաջին հայացքից տարօրինակ է թվում: Կարծես թե դժվար է համաձայնել դրա հետ: Իսկապես ինչո՞ւ այգի-պուրակային արվեստը պետք է առավել ազդեցիկ լինի, քան պոեզիան, գրականությունն իր ամբողջության մեջ, փիլիսոփայությունը, թատրոնը, գեղանկարչությունը եւ այլն: Բայց անաչառորեն մտածեք եւ հիշեք ձեր տպավորություններն ամենքիս համար պատմական մեծարժեք այգիներ այցելությունից, նույնիսկ եթե դրանք անխնամ են: Գնում եք այգի հանգստանալու՝ առանց դիմադրության տրվելու տպավորությունների, շնչելու մաքուր օդ՝ հագեցած զարման կամ աշնան, ծաղիկների ու խոտերի բույրերով: Այգին բոլոր կողմերից շրջապատում է ձեզ: Դուք եւ այգին դեմ հանդիման եք, այգին ցուցադրում է ձեզ նորանոր տեսարաններ. բացատներ, բուսկետներ, ծառուղիներ, հեռապատկերներ, եւ դուք զբոսնելով՝ միայն դուրս եք դարձնում այգու ինքնացուցադրումը: Լռությունը պարուրում է ձեզ. եւ լռության մեջ առանձնահատուկ սրությամբ երեսուն են զալիս հեռվում զարմանային սաղարթների աղմուկը կամ ոտքերիդ տակ աշնանային տերեւների խշրտոցը, լսվում է թռչունների երգեցողությունը կամ ճյուղիկի թեթեւ շաշյունը մոտակայքում, որոշ հնչյուններ հեռվից են ձեզ հասնում եւ ստեղծում տարածության ու լայնարձակության յուրօրինակ զգացողություն: Ձեր բոլոր զգայարանները բաց են տպավորությունների ընկալման համար, եւ այդ տպավորությունների փոփոխությունն ստեղծում է առանձնահատուկ ներդաշնակություն՝ գույների, ծավալների, հնչյունների եւ նույնիսկ զգացողությունների, որոնք տալիս են օդը, քամին, մառախուղը, ցողը...

Բայց ի՞նչ գործ ունի այդտեղ մարդը, կհարցնեն ինձ: Չէ՞ որ դա այն է, ինչը բնությունն է տալիս, այն, ինչը կարող եք ընկալել, նույնիսկ ավելի մեծ ուժով, անտառում, լեռներում, ծովի ափին, այլ ոչ միայն այգում:

Ո՛չ, այգիներն ու պուրակներն այն կարեւոր սահման են, որտեղ միավորվում են մարդն ու բնությունը: Այգիներն ու պուրակները հավասարապես կարեւոր են թե՛ քաղաքում եւ թե՛ քաղաքի սահմաններից դուրս: Պատահական չէ, որ այդքան հրաշալի պուրակներ կան մեր հայրենի Մերձնոսկովյան վայրերում: Չկա առավել գրավիչ, հափշտակիչ, հուզիչ բան, քան մարդկայինը բնություն ներմուծելը, իսկ բնությունը՝ հանդիսավորապես «ձեռքից բռնած», մարդկային հասարակություն բերելը. մայք, հիացեք, ուրախացեք:

Եվ որքան վայրի է բնությունը, այնքան ավելի սուր եւ խորն է նրա միությունը մարդու հետ: Ահա թե ինչու են այդքան ահռելի տպավորություն գործում Ալուպկայում



Վորոնցովի գգած Դրիմյան այգին եւ վիբորգյան «Սոն դեպո» («Իմ հանգստություն») այգին՝ Նիկոլայի բարոնական տոհմի տիպիկ ռուսական կալվածքում: Ալուպկայում՝ այգու վերելում, կուտակվել եւ «իրենց են ցույց տալիս» լեռները, իսկ ներքեւում՝ հսկայական քարերին են զարնվում Սեւ ծովի ալիքները: «Սոն դեպո» այգում՝ մերկ կարմիր գրանիտե ժայռերի վրա, սոճիներ են աճում, անվերջանալի տեսարաններ են բացվում դեպի խութակղզիները՝ դրանց ջրային կապույտում լողացող կղզակներով հանդերձ:

Բայց այս եւ մյուս այգում էլ, բնության ողջ վեհությամբ հանդերձ, ամենուր տեսանելի է մարդու բանական ձեռքը, եւ տերերի հարմարավետ ապարանքները բարեհամբույր պսակում են շրջակա բնատեսարանի նախաստեղծ վայրիությունը:

Պատահական չէ, որ Պետրոսը ջրանցքներով ծովը հասցնում էր քաղաքից դուրս գտնվող իր պուրակային ապարանքների մոտ՝ Նովի Պետերգոֆում, Ստրելնայում, Օրանիենբաումում: Ջրանցքները ապարանքներն ու պուրակները կապում էին ծովի հետ ոչ միայն ջրով, այլ նաեւ օդով՝ դեպի ծովը բացվող տեսարանով, եւ ծովի ջուրը մտցնում էին ծառերի եւ Պետրոսի սիրած անուշահոտ ծաղիկների միջավայրը:

Կա եւս մեկ ոլորտ, որը մարդուն տալիս է առավելապես այգին կամ նույնիսկ՝ միայն այգին: Սա պատմական ժամանակի ոլորտն է՝ հիշողությունների ու բանաստեղծական զուգորդումների ոլորտը:

Դենց պատմական հիշողություններն ու բանաստեղծական զուգորդումներն են ամենից շատ մարդկայնացնում բնությունն այգիներում եւ պուրակներում, ինչը դրանց էությունն ու առանձնահատկությունն է կազմում: Պուրակներն արժեքավոր են ոչ միայն այժմ, այլ նաեւ անցյալում՝ դրանց մեջ եղածով: Նրանցում բացվող ժամանակային հեռապատկերը պակաս կարեւոր չէ, քան տեսողական հեռապատկերը: «Հիշողություններ Ցարսկոյե Սելյոյում»՝ այսպես է անվանել Պուշկինն իր վաղ շրջանի լավագույն բանաստեղծությունները:



Անցյալի նկատմամբ վերաբերմունքը կարող է լինել երկու տեսակի. ինչպես որոշակի տեսարանի, թատրոնի, ներկայացման, բեմադարձակարի, եւ ինչպես՝ փաստաթղթի: Առաջին վերաբերմունքը ձգտում է վերարտադրել անցյալը՝ վերակենդանացնել նրա տեսողական պատկերը:

Երկրորդը ձգտում է պահպանել անցյալը թեկուզեւ դրա մասնակի մնացորդներով: Առաջինի դեպքում այգի-պուրակային արվեստում կարեւոր է վերաստեղծել այգու կամ պուրակի արտաքին, տեսողական պատկերն այնպես, ինչպես այն տեսել են դրա կյանքի այս կամ այն պահին: Երկրորդի պարագայում կարեւոր է զգալ ժամանակի վկայությունը. կարեւոր է փաստաթղթավորումը: Առաջինն ասում է՝ այդպիսի տեսք ուներ դա: Երկրորդը վկայում է՝ հենց դա է, հնարավոր է՝ դա եղել է ոչ այսպես, բայց իսկապես դա է. դրանք այն լորենիներն են, այգու այն շինությունները, հենց այն քանդակները: Երկրորդ վերաբերմունքն առավել հանդուրժողական է առաջինի նկատմամբ, քան առաջինը՝ երկրորդի: Անցյալի նկատմամբ առաջին վերաբերմունքը պահանջում է հատել ծառուղու ծեր ծառերը եւ տնկել մորերը. այդպիսի տեսք է ունեցել ծառուղին: Երկրորդ վերաբերմունքն առավել բարդ է. պահպանել բոլոր ծեր ծառերը, երկարացնել դրանց կյանքը եւ դրանց հարեւանությամբ՝ մեռածների փոխարեն, տնկել մատղաշները: ➔ էջ 8

ՆԱՄԱԿՆԵՐ ԲԱՐՈՒ ՄԱՍԻՆ

← էջ 7

Երկու-երեք ծեր փշակավոր լորենիներ հարյուրավոր մատղաշների շարքում կվկայեն. դա հենց նույն ծառուղին է, ահա դրանք՝ հնաբնակները: Իսկ դալար ծառերի մասին հոգ տանելու կարիք չկա. դրանք արագ են աճում, եւ ծառուղին շուտով կստանա իր նախկին տեսքը:



Սակայն անցյալի նկատմամբ երկու վերաբերմունքների միջեւ կա եւս մեկ էական տարբերություն: Առաջինը կպահանջի. միայն մեկ դարաշրջան՝ այգու ստեղծման, դրա ծաղկման կամ որեւէ բանով նշանավորվելու դարաշրջանը: Երկրորդը կասի. թող ապրեն բոլոր դարաշրջանները, այսպես թէ այնպես դրանք նշանակալից են, արժեքավոր է այգու կայնքն իր ամբողջության մեջ, արժեքավոր են զանազան դարաշրջանների եւ այս վայրերը գովերգած տարբեր բանաստեղծների մասին հիշողությունները. եւ վերականգնումից կպահանջի ոչ թե վերանորոգում, այլ պահպանում: Պուրակների եւ այգիների նկատմամբ առաջին վերաբերմունքը Ռուսաստանում դրսևորել է Ալեքսանդր Բեռնոլան՝ կայսրուհի Ելիզավետա Պետրովնայի ժամանակների եւ նրա Ցարսկոյե Սելոյի եկատերիմայի այգու իր գեղապաշտությամբ: Նրա հետ բանաստեղծորեն բանավիճել է Ախմատովան, որի համար Ցարսկոյեում կարելորդ Պուշկինն էր, այլ ոչ թե Ելիզավետան.

Այստեղ ընկած էր նրա եռերդ
Եվ մաշված հատորը Պարմիի:

Այո, դուք ինձ ճիշտ եք հասկացել. ես անցյալի հուշարձանների նկատմամբ երկրորդ վերաբերմունքի կողմնակիցն եմ: Եվ ոչ միայն նրա համար, որ երկրորդ վերաբերմունքն առավել լայն է, համդուրժողական եւ ավելի զգուշավոր, առավել քիչ ինքնավստահ եւ ավելի շատն է թողնում բնությանը՝ ստիպելով հոգատար մարդուն հարգանքով նահանջել, այլ նաեւ այն պատճառով, որ այն մարդուց պահանջում է մեծ երեւակայություն, առավել շատ ստեղծարար գործունեություն: Արվեստի հուշարձանի ընկալումն ամբողջական է միայն այն ժամանակ, երբ այն

մտովի վերստեղծում՝ ստեղծագործում է արարողի հետ, լի է պատմական զուգադրումներով:

Անցյալի նկատմամբ առաջին վերաբերմունքը, ընդհանուր առմամբ, ստեղծում է ուսումնական ձեռնարկներ, մանրակերտներ. նայե՛ք եւ իմացե՛ք: Անցյալի նկատմամբ երկրորդ վերաբերմունքը պահանջում է ճշմարտություն, վերլուծական կարողություններ. անհրաժեշտ է տարիքը տարանջատել առարկայից, պետք է պատկերացնել, թե այստեղ ինչպես է եղել, ինչ-որ չափով ուսումնասիրել: Այս երկրորդ վերաբերմունքն առավելապես մտավոր կարգապահություն, մեծ գիտելիքներ է պահանջում հենց դիտողից. նայե՛ք եւ պատկերացրե՛ք: Եվ անցյալի հուշարձանների նկատմամբ այս մտավոր վերաբերմունքը վաղ թե ուշ կրկին ու կրկին ի հայտ է գալիս: Անհնար է սպանել իրական անցյալը եւ այն փոխարինել թատերականով, նույնիսկ եթե թատերականացված վերականգնումները ոչնչացրել են բոլոր փաստաթղթերը, սակայն տեղը մնացել է. այստեղ, այս վայրում, այս հողի վրա, այս աշխարհագրական կետում տեղի է ունեցել՝ այն եղել է, ինչ-որ հիշարժան բան է պատահել:

Թատերականությունը թափանցում է նաեւ ճարտարապետական հուշարձանների վերականգնման մեջ: Իսկականությունը կորչում է ենթադրաբար վերականգնվածների մեջ: Վերականգնողները վստահում են պատահական վկայություններին, եթե վերջիններս թույլ են տալիս վերականգնել սույն ճարտարապետական հուշարձանն այնպես, ինչպես այն կարող է հատկապես հետաքրքիր լինել: Այդպես է վերականգնվել Նովոդևիչյան Եվֆիմյան մատուռը. ստացվել է փոքրիկ տաճար աշտարակի վրա: Հին Նովոդևիչյան բոլորովին օտար ինչ-որ մի բան:

Քանի՜ հուշարձաններ են կործանել վերականգնողները ժԹ դարում՝ դրանց մեջ նոր ժամանակի գեղագիտության տարրեր ներմուծելու արդյունքում: Վերականգնողները հետամուտ էին լինում համաչափությանը այնտեղ, որտեղ այն խորթ էր ոճի բուն ոգուն՝ ռոմանականին կամ գոթականին, նրանք ձգտում էին կենդանի գիծը փոխարինել երկրաչափորեն ճիշտ գծով՝ մաթեմատիկորեն հաշվարկված եւ այլն: Այդպես են կենդանությունից զրկվել եւ Քյոլնի տաճարը, եւ Փարիզի Աստվածամոր տաճարը, եւ Սեն-Դենի աբբայությունը: Կենդանությունից զրկված, «պահածոյացված» են եղել ամբողջական քաղաքներ Գերմանիայում՝ հատկապես գերմանական անցյալի կատարելատիպացման ժամանակաշրջանում:

Այս ամենն իզուր չեմ գրում: Անցյալի նկատմամբ վերաբերմունքը ձեւավորում է սեփական ազգային պատկերը. քանզի յուրաքանչյուր մարդ անցյալի եւ ազգային բնավորության կրողն է: Մարդը հասարակության եւ նրա պատմության մի մասն է:

Սակայն որեւէ սկզբունք չի կարող չմտածված եւ ինքնաբերաբար իրականացվել: Պսկովի մարզի պուշկինյան վայրերում՝ Միխայլովսկոե, Տրիգորսկոե, Պետրովսկոե գյուղերում, մասնակի թատերականացումն անհրաժեշտ է:



Այնտեղ անհետացած տներն ու խրճիթները բնապատկերի անքակտելի տարրերն էին: Առանց Օսիպով-Վուլֆ տոհմի տան, Տրիգորսկոեում չկա Տրիգորսկյանը: Եվ այս տան վերականգնումը, ինչպես Միխայլովսկոեի եւ Պետրովսկոեի տների, չի ոչնչացնում իսկականությունը: Անհրաժեշտ եղավ կտրել միայն թփերն ու մատղաշ ծառերը, այլ ոչ թե հները: Անցյալի ու ներկայի մշակույթը նույնպես այգի եւ պուրակ է: Իզուր չէ, որ «ոսկե դարը»՝ մարդկության «ոսկե մանկությունը»՝ միջնադարյան դրախտը, միշտ նույնացվել է այգու հետ: Այգին կատարյալ մշակույթ է. մշակույթ, որում ազնվացած բնությունը կատարելապես միաձուլված է իր մեջ ապրող բարի մարդու հետ:

Պատահական չէ, որ Դոստոևսկին երազում էր Պետերբուրգի ամենականաչավետ վայրերն այգիների վերածել. Յուսուպովյան այգին Սադովոյ փողոցում միացնել Միխայլովյան ամրոցի (որտեղ նա ուսանել էր) մոտի Միխայլովյան այգուն, ծառեր տնկել Մարսյան դաշտում եւ այն միացնել Ամառային այգուն, այգիների շերտ ձգել առետրի ամենաաշխույժ կենտրոնի միջով եւ այնտեղ, որտեղ ապրում էին պառավ վաշխառուն եւ Ռոդոն Ռասկոլնիկովը, ստեղծել մի տեսակ դրախտ երկրի վրա: Դոստոևսկու համար երկրի վրա երկու բեւեռ կար. Պետերբուրգը՝ Սեննայա հրապարակի շրջակայքում, եւ բնությունը՝ ԺԹ դարի Ֆրանսիացի նկարիչ Կլոդ Լորրենի՝ ոսկե դարը պատկերող բնապատկերների ոգով. Լորրենին նա շատ էր սիրում պատկերվող կյանքի դրախտային կատարելության համար:

Նկատել էք արդյոք, որ Դոստոևսկու «Ապուլը» վեպի ամենալուսավոր դեպքը՝ իշխան Միշկինի եւ Ալեյայի հանդիպումը, տեղի է ունենում Պավլովյան պուրակում առավոտյան: Այս հանդիպումը որեւէ այլ վայրում չէր էլ կարող պատահել: Հենց այս հանդիպման համար է Դոստոևսկուն անհրաժեշտ Պավլովյան պուրակը: Այս ամբողջ տեսարանն ասես հյուսված է Պավլովյան պուրակի բարեհամբույր բնապատկերի մեջ:

Օբլոմովի կյանքի ամենաերջանիկ պահը՝ նրա սիրո բացատրությունը, նույնպես կատարվում է այգում:

Պուշկինի «Կապիտանի աղջիկը» վեպում Մաշա Միրոնովայի հոգսերի ուրախ ավարտը եւս տեղի է ունենում հենց Եկատերինյան այգու «լորենյան» մասում: Դա միայն կարող էր տեղի ունենալ հենց այնտեղ եւ ոչ թե պալատական շինություններում:

Շարունակելի

Ռուսերենից թարգմանությունը՝
Տ. Անդրեաս վրդ. ԵԶԵԿՅԱՆԻ

Հայ եկեղեցին եւ արեւելահայ դպրոցը ժԹ դարի երկրորդ կեսին

← էջ 6

«Հոգեւոր կրթութիւնը» բաժնում ընդգծվում էր, որ «....հիմն դաստիարակութեան վանական դպրոցաց պարտի լինիլ կրթութիւն բարեպաշտ, առաքինասէր եւ կրօնաւորական կենաց» («Արարատ», 1869, թիւ 5–12, էջ 6): «Կարգ կենցաղավարութեան աշակերտաց» բաժնում ամփոփվում էին աշակերտների համար սահմանված իրավունքներն ու պարտականությունները, որոնցից մի բանիսը ներկայացնում ենք ստորեւ.

ա. «Գրինի եւ օղի չըմպեն երբեք, բայց եթէ ոմանք առ տկարութեան խորհրդով բժշկի՝ առ ժամանակ մի, իսկ զծովս ձգել արգելալ է խստիւ ամենեցուն»:

բ. «Ի ձայն զանգակի յառնեն աշակերտք ամենեքեան յառաւօտուն եւ ի միջոցի կիսոյ ժամու ազանին զհանդերձս, լուսնան զերեսս, սանտրեն զհերս. յարդարեն զանկողինս իւրեանց անդանդաղ եւ լուրեամբ»:

գ. «Գլխաւորն ի պատիժս յանցաւորաց եւ կանոնազանցից է յանդիմանութիւն վերատեսչին առանձինն կամ հրապարակաւ.... իսկ վերջին եւ սաստկագոյն պատիժ՝ արտաքսումն ի դպրոցէն առանց վկայագրոյ: Գանք եւ հարուածք խափանեալ են բոլորովին» («Արարատ», 1869, թիւ 5–12, էջ 6, 8):

Ինչպես տեսնում ենք, կանոնադրությունը մանրամասն հաստատում էր վանական դպրոցի պահանջներն ու կարգուկանոնը, որոնց համաձայն եւ պետք է

կազմակերպվեր դպրոցի ուսումնական ողջ գործընթացը:

Ս. Էջմիածնի ժառանգավորաց վարժարանից բացի, որպես վանական դպրոցներ, գործում էին նաեւ Տաթևի, Գանձասարի, Ս. Խաչ, Երնջակի Ս. Կարապետ եւ Կարմիր (զտնվում է Վայոց ձորի մարզում, այժմ՝ Նորավանք) վանքերի, Հռոմեականների, Խոր վիրապի կրթօջախները:

Տաթևի դպրոցը ժԹ դարերում հայտնի էր որպես համալսարանական հնագույն եւ նշանավոր կենտրոն, որի մասին Ստեփանոս Օրբելյանը գրում է. «Լի էր խորաքնին փիլիսոփաներով, երաժիշտ երգիչներով: Տոխ էր վարժարանը՝ վարդապետական կրթումով: Կային նաեւ անհամեմատելի արվեստավոր նկարիչներ եւ գրիչներ» (*Ստեփանոս Օրբելյան*, Սյունիքի պատմություն, Երեւան, 1986, էջ 208): Իսկ սյունեցիները վկայում էին, որ Տաթևի կոչումն էր ամենքին գիտելիք եւ շնորհ բաշխելը, քանզի այնտեղ գիտություններն ու արվեստը մշակվում էին ճշմարտությամբ եւ պահպանվում «ամապակ եւ անխառնուրդ»: Նախկինում «Սյունյաց վարդապետարան» անվամբ հայտնի դպրոցը ժԹ դարասկզբին կորցնում է իր վաղեմի նշանակությունը: Սինոդի որոշմամբ 1852 թ. Տաթևի վանքին կից հիմնադրվում է մի դպրոց՝ հոգեւորականների երեխաների համար: 1871 թ. վանական դպրոցը վերածվում է մասնա-

վոր կրթօջախի, որտեղ սովորում էր Տաթև գյուղից շուրջ 22 սան: Ենթադրում ենք, որ դպրոցը փակվել է նյութական սուղ պայմանների եւ աշակերտների թվի հետզհետե նվազման հետեւանքով: 1876 թ. դպրոցն ունեցել է 35 աշակերտ եւ 1 ուսուցիչ: Դպրոցում դասավանդվել են ընթերցանություն, վայելչագրություն, քրիստոնեական վարդապետություն, թվաբանություն, երգեցողություն եւ այլն (տե՛ս Ս. Մովսիսյան, Ուրվագծեր հայ դպրոցի եւ մանկավարժության պատմության, Երեւան, 1958, էջ 98–99): 1885 թ. ցարական իշխանությունների որդեգրած քաղաքականության համաձայն՝ այս դպրոցը եւս փակվում է:

Շարուր-Դարալագյազի Ս. Խաչ վանքի հոգեւոր դպրոցը հիմնադրվել է 1875 թ., սակայն երկար չի գոյատևել: Դպրոցի մասին մեր ունեցած տեղեկությունները սակավ են: Այն, ինչպես մյուս վանական դպրոցները, գիշերօթիկ էր եւ ուներ 8 աշակերտ:

Այսպիսով՝ վանական դպրոցները վաճառվելու կից գիշերօթիկ ուսումնական հաստատություններ էին եւ պատրաստում էին հոգեւոր սպասավորներ: Քննվող ժամանակահատվածում հոգեւոր դպրոցի նման բաժանումը վկայում է կրթական համակարգի ամուր եւ կանոնակարգված լինելու մասին:

Չաքարա սրկ. ԹԱԴԵՎՈՍՅԱՆ
ԱՆԱԽԻՒ ՊԵՏՐՈՍՅԱՆ

ԵԿԵՂԵՑԱԿԱՆ ՏՈՒՆԵՐ

ՍԵՊՏԵՄԲԵՐ

† Տոն ծննդյան
Սուրբ Կոյս Մարիամի –
սեպտեմբերի 8

† ԽԱԶՎԵՐԱՑ –
սեպտեմբերի 17

ՔՐԻՍՏՈՆՅԱ ՀԱՅԱՍՏԱՆ

Կրոնական, մշակութային,
լրատվական երկշաբաթաթերթ

Հիմնադիր՝

Մայր Աթոռ Սուրբ Էջմիածին

Հրատարակիչ՝

«Քրիստոնյա Հայաստան»
թերթի խմբագրություն

Գլխավոր խմբագիր՝

Արփիմե Չամբիկյան

Գրանցման վկայական՝ 624

Խմբագրության հասցեն՝

Մայր Աթոռ Սուրբ Էջմիածին

Հեռախոս՝ (010) 517 280

Էլ. փոստ՝

qristonyahayastan1@gmail.com

qristhay@etchmiadzin.am

web կայք՝

krishayas.wordpress.com

etchmiadzinlibrary.am/en/kristonya-hayastan

Ստոր. տպագր. 31.08.2023 թ.

Տպաքանակը՝ 1265